

T 9297/0446

23

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 1 1938



群書考索卷之八

後集

山堂先生章俊卿編輯

建陽知縣區玉刊行

六部類

。官制門

戶部尚書

漢置尚書即四人其一入主財帛妻輸至。魏文帝置度支尚書寺專

掌軍國支計。吳有戶部。吳孫休初即位戶部尚書階下奏廣西

有度支府王莽也。梁齊度支尚書領度支金部倉部起初四曹。此

齊度支統度支倉部在右戶部金部軍部六曹。陳周置大司徒一

人知同體之制其屬有民部中大夫二人掌其司統政以精賦之法

新人民之疾寡。隋初有度支尚書則并限同民部之職。開皇三年

改度支為民部統度支民部金部倉部四曹。唐修隋志謂之戶部



# 群書考索卷之八



後集

山堂先生章俊卿編輯  
建陽知縣區玉刊行

元峯蕭泗校正

。官制門

六部類

戶部尚書



漢置尚書即四人其一人主財帛委輸至。魏文帝置度支尚書寺專掌軍國支計。吳有戶部。吳孫休初即位戶部尚書階下奏讀而晉有度支皆王莽也。宋齊度支尚書領度支金部倉部起部四曹。此齊度支統度支倉部左戶右戶金部庫部六曹。後周置大司徒卿一人知周禮之制其屬有民部中大夫二人掌丞司徒教以籍帳之法贊計人民之衆寡。隋初有度支尚書則并後周民部之職。開皇三年改度支為民部統度支民部金部倉部四曹。唐修隋志謂之戶部永徽

初改民部為戶部廟諱故也。○**唐顯慶元年**改戶部為度支。○**龍朔二年**改度支尚書為司元太常伯。○**咸亨元年**復為戶部尚書。初戶部居禮部之後。○**武后**改置天地四時之官以戶部為地官由是遂居禮部前。○**神龍元年**復置地官為戶部總判戶部度支金部倉部事。○**掌天下戶口**并田之政令凡徭賦職貢之方經費賙給之筭藏貨贏儲之準悉以咨之。○**宋**戶部判部事一人以兩制以上充凡戶。○**田產金穀食貨之政**令皆歸於三司。○**三司**謂鹽鐵戶部度支也。○**本曹**但受天下之士貢元會陳於庭而已。○**續會**。元豐改官制罷三司歸戶部左右曹而三司之名始泯矣。○**內朝**初除安燾為戶部尚書。○**續會**。戶部掌天下戶口土地錢穀之政令貢賦征役之事以版籍考戶口之登耗以稅賦待園國之歲計以士貢辨縣郡之物宜以征推抑兼并而佐調度以孝義婚姻繼嗣之道和人心以田務券責之理直民訟凡此歸於左曹。○**以平常之法**平豐凶時斂散以免役之法通貧富均財力以保伍之法聯比閭察盜賊以義倉賑濟之法收飢饉恤艱阨以農田水利之

政治荒廢務稼穡以坊場河渡之課酬勤勞省科率凡此歸之右曹。○**朝**。是時右曹所領侍郎專之雖尚書亦不得預。○**元豐六年**詔戶部右曹令侍郎專領尚書不預至元祐元年門下侍郎司馬光欲令戶部尚書兼領左右曹而舊三司財用事有在五曹寺監者並歸戶部則利權歸一詔尚書省立法左右曹錢穀尚書兼總使周和其數量入為出而制國用為。○**舊**三司使即今尚書三司副使即今侍郎權發遣副使即今權侍郎三司判官推官及判子司官即今郎中員外郎之任也。○**續會**。

戶部侍郎

**隋煬帝**始置民部侍郎。○**唐**因之後改曰戶部。○**龍朔二年**改為司元少常伯。○**咸亨元年**復為戶部侍郎他時曹名或改而官號不易舊制一員。○**長安四年**加一員。○**神龍元年**減二年復加。○**職掌**天下戶口開田之政令凡徭賦職貢之方經費賙給之筭藏貨贏儲之準悉以咨之。○**宋**戶部之職皆歸三司。○**元豐**官制行戶部始總邦計置侍

郎二員左曹五案。戶口案稅賦案農田案檢法案知雜案。右曹五案。常平案免役案坊場案檢法案知雜案。左曹除陳安石右曹除李定職其餘職沿革並見戶部尚書門

戶部郎中

漢尚書郎一人主戶口墾田。吳張溫為戶曹郎。魏有左民郎曹。晉兼置右民郎曹東晉而下有民部曹。梁陳為左右郎。後魏為左戶曹郎。北齊有左右民郎曹。隋初民部郎曹置侍郎二人。煬帝改曰民部郎。唐為郎中高宗改為戶部龍朔中為司元大夫後復故郎中二人員外郎二人掌戶口土田賦役貢獻蠲免優復媾婚繼嗣之事以男女之黃小中丁老為帳籍以求業口分園宅均其土田以租庸調歛其物以九等定天下之戶以為尚書侍郎之貳其後以諸行郎官判錢穀而戶部度支郎官失其職矣唐林。宋沿革尚書門

度支郎中

漢有度支侍郎郎中之任也。唐有度支郎中。梁。隋。陳為侍郎。煬帝但曰郎自漢魏以來皆度

支尚書領度支郎。開皇三年改度支尚書為民部尚書始民部領之。唐曰焉武德三年加中字。龍朔二年改為司度大夫。咸亨元年復故典。掌度支國用租賦少多之數物產豐約之宜水陸道路之利每歲計其所出而支其所用。宋度支判司事一人列六案。度支案發運案支供案賞賜案掌法案知雜案悉以無職事朝官充凡調度之政皆歸三司本司無所掌。元豐官制行郎中員外郎始實行本司事續會。初除陳向職。參掌計度天下之經費以貢賦稅租之入而為之出小事則擬書大事則咨其長職官。南渡以後因而不缺焉林

金部郎中

漢置尚書郎四人其一人主財帛委輸蓋金部郎曹之任也。歷。魏。晉。宋。齊。後魏。北齊並有金部郎。梁。陳。隋為侍郎。煬帝但曰郎。唐因之武德三年加中字。龍朔中為司珍大夫唐職。咸

亨復。天寶改司金郎中。至德初復舊掌庫藏出納之節金寶財貨  
之用權衡度量之制皆總其文籍而頒其節制六。宋金部判司事一  
人以無職事朝官充凡庫藏出納之節金寶財貨之用皆歸於三司而  
儀衡度量之制主於太府寺本司無所掌元豐官制行郎中員外郎始  
實行本司事續會。初除晁端彥焉職參掌給納天下之泉弊計其歲  
所輸數歸於應授之府藏以待邦國之用而鈎考平準市舶權易商稅  
香案鹽鐵之數以周知其登耗凡造升斗尺稱皆以頒頒其禁令分案  
七其左藏案右藏案錢帛案權易案請給案法案知雜案足已

倉部郎中

周廩人舍人之職也。魏。晉而下皆有倉部郎中。梁。陳為侍郎。  
宋。齊以度支尚書領之。後魏有大倉尚書。後周有司倉下大  
夫。隋初制為倉部侍郎。湯帝改倉部郎。唐武德三年加中字。  
龍朔二年改司庾大夫。咸亨復。天寶中為司儲郎中。至德復掌  
天下儲庫出納租稅祿糧倉廩之事六典唐。宋倉部判司事一人以

無職事官充凡倉庾受納租稅出給祿廩之事皆歸三司而別置提點  
倉場官以督察本司別無所掌元豐官制行郎中員外郎始實行本司  
事續會。初除韓正彥焉職參掌國之倉務儲積及其給受之事歲以應  
用芻粟前期缺度支均定支移折變之數四朝。列六案。倉場案上  
供案給納案羅羅案掌法案知雜案。建炎三年詔罷司農寺本寺諸  
倉場事務隸倉部。紹興四年復舊中興。

禮部尚書

漢成帝置尚書五人其四曰客曹主外國夷狄事。光武分六曹吏部  
曹兼掌齊祀事然則夷狄齊祀皆今禮部職也。魏尚書有祠部曹及  
晉江左有祠部尚書掌朝祀之禮常與右僕射通職不常置以右僕射  
攝之。歷代皆與右僕射通職。宋祠部尚書領祠部儀曹二曹。齊  
。梁。陳皆有祠部尚書。後魏為儀曹尚書。北齊祠部尚書統祠  
部主客禮曹屯田起部五曹又有儀曹主吉凶禮制屬殿中尚書。後  
周置春官卿又有禮部而不言職事後改禮部為宗伯又春官之屬有

典命後改典命為大司禮俄改大司禮復為禮部謂之禮部大夫至。  
 隋置禮部尚書統禮部祠部主客膳部四曹蓋因後周禮部之名兼前  
 代儀曹之職。唐因之。龍朔中改為司禮太常伯光宅中為春官尚  
 書。神龍元年復改尚書掌禮儀祭享貢學之政。宋禮部判部事  
 二人以兩制及帶職朝官以上充凡禮儀之事悉歸於太常禮院而貢  
 舉之政領於知貢舉官本曹但賞制科舉人補奏太廟社齊即室長掌  
 座都省集議百官謝賀章表諸州申祥瑞出納內外牌印之事而兼領  
 貢院焉。續言。元豐改制掌禮樂祭祀朝會燕饗學校貢舉冊寶印託  
 圖書表疏及祥瑞之事凡禮樂有所損益小事則同太常寺大事則集  
 侍從或百官議定以聞若有事於南北郊明堂籍田禘祫太廟薦饗景  
 靈宮酌獻陵表及行朝貢慶賀宴樂之禮則承詔舉其儀物。職官。時  
 雖正名尚書尤未除人。職畧續會要可考見。禮部侍郎沿革。建炎二年併光祿寺鳴  
 臚寺歸禮部。中興會要

禮部侍郎

隋煬帝初置禮部侍郎大業三年初置用蘇植為之。唐因之龍朔中  
 為司禮少常伯。高宗咸亨元年復舊他時曹名或改而官號不易堂  
 策試貢舉及齊即弘崇國子生等事舊制考功員外郎貢舉。開元二  
 十三年李昂為進士李權所詆朝議以考功位輕不足以臨多士次年  
 遂以禮部侍郎掌焉天下髦彥由其所取勢傾當時資與吏部侍郎等  
 六。宋沿革。見尚書門。元豐正名初除謝景溫。職畧又。元豐五年四月  
 二十四日除戶部侍郎謝景溫為禮部侍郎自此始正除尚書缺  
 禮部即中

魏。晉。宋。齊。梁。陳。後魏。北齊有殿中郎儀曹郎而殿中

掌表疏儀曹掌吉凶禮制皆禮部即中之職也。後周依周官。隋禮

部曹置侍郎一人煬帝除侍字又改儀曹。唐因之稱郎中。武德三

年復為禮部。龍朔二年改司禮大夫。六典。咸亨初復舊其後曹名

或改而官不易掌禮樂學校儀式制度衣冠符印表疏冊命祥瑞鋪設  
 喪葬賙賻及宮人等。通典。宋沿革。見尚書門。元豐正名初除劉摯三子

韶職畧。尚書掌禮樂祭享貢舉之政令而侍郎為之貳郎中員外郎參領之凡講議制度損益儀物則審覆有司所上之狀以次諮決而資於尚書郎續會。大朝會則上書奏藩國貢物凡資慶告謝則郎中員外郎分撰表文四表志

祠部郎中

東晉而下逮於北齊皆有祠部郎。後周春官府有典祠中大夫。隋有祠部郎。唐為郎中。龍朔中改為司禋大夫復故掌祠祀享祭天文漏刻國忌廟諱卜筮醫藥僧尼之事唐職。宋祠部判司事一人以無職事朝官充凡祠祀享祭皆隸太常禮院而天文刻漏歸於司天監本司但掌祠祭畫日休假令受諸州僧尼道士女官童行之籍給剃度受戒文牒而已。元豐改制郎中員外郎始實行本司事續會初除趙令鏐職參掌天下典祀國忌廟諱凡本司所治之事月奏祠祭畫日及休假令節即神祠封爵號則覆太常所定以上尚書省應宮觀寺院僧道置籍書其名額歲較醫官功過而賞罰之四朝志

知貢舉

唐初貢舉省試主之考功。開元二十四年考功員外郎李昂為舉人詆訶帝以員外郎望輕遂移貢舉於禮部以侍郎主之禮部選士自此始由是勢傾一時與吏部侍郎同其貢士有姻舊悉試考功謂之別頭其後齊抗為相奏罷之唐職。宋禮部貢院以朝官一員主判若遣官知貢舉即主判官罷舉事畢復別遣官主判會語

兵部尚書

漢置五曹未有主兵之任典。魏始置五兵尚書謂中兵外兵騎兵別兵都兵也。晉初無太康中乃有五兵尚書而又分中外兵各為左右一按晉雖中兵外兵為左右與舊五兵為七曹然尚書惟置五兵而已無七兵尚書之名至後魏始有七兵尚書今諸家著述或謂晉太康中置七兵尚書誤矣。宋五兵尚書唯領中兵外兵二曹餘則無矣典。孝武大明二年省。順帝昇明元年復置典。齊。梁。陳皆有之。後魏為七兵尚書。北齊為五兵左中兵右中兵左外兵右外兵都兵



凡五曹。後周置大司馬其屬又有兵部中大夫小兵部下大夫其職並缺至於隋乃有兵部尚書統兵部職方駕部庫部四曹蓋因後周兵部之名兼前代五兵之職。唐初因之。龍朔二年改司戎太常伯。咸亨元年復舊。光宅元年改夏官尚書。神龍元年復故。天寶十一載改武部。至德二年復舊。掌天下兵籍武官選授之政令凡軍師戍卒之籍山川要害之圖廩牧甲仗之數悉以咨之。選舉亦為三銓制如吏部。宋兵部判部事一人以兩制充凡天下兵籍武官選受及軍師卒戍之政令悉歸於樞密既其選授小者又分頒於三班本曹但掌三駕儀仗鹵簿字圖春秋釋奠武成王廟及武人科舉之事歲終以義勇弓箭手寨戶之數上于朝。元豐中釐正職事惟民兵馬政權隸樞密院以俟法成而歸之。武官銓選併歸吏部。蘇頌行狀唐制文選吏部掌之武選兵部掌之。神宗謂自三代至漢未嘗有文武之別頌請文武一歸吏部上從之。尚書掌武舉地圖車輦甲械之政令而侍郎為之貳凡軍民以民籍統隸者閱書

按試選募遷補及武學定賞與本曹所治之事。猶未除人。五年九月詔應緣義勇保甲事並隸樞密院其餘民兵悉隸兵部。建炎三年併衛尉寺歸兵部。正名之初尚書兵部侍郎。唐因之。龍朔為司戎少常伯。光宅中為夏官侍郎。後復故。舊制一員。總章元年加一員。掌武選地圖車馬甲械之政。宋沿革元豐正名。初除許將。元豐五年四月二十二日除許將試兵部侍郎自此始尚書缺。

魏有五。晉有七兵皆置郎中歷代或卑為部或為郎中。隋初為兵部侍郎。煬帝除侍字又改名曹郎。唐初依隋。武德三年改兵部郎中。龍朔改司戎大夫。咸亨。光宅。神龍隨曹改復二員一員掌判帳及天下武官之階品衛府之名數一員掌判簿以總軍戎差遣之名數。宋沿革元豐正名。初除潘良器。本曹所治

之職。龍朔改司戎大夫。咸亨。光宅。神龍隨曹改復二員一員掌判帳及天下武官之階品衛府之名數一員掌判簿以總軍戎差遣之名數。宋沿革元豐正名。初除潘良器。本曹所治

考索後集卷之八  
之事即中員外郎參掌之續會。建炎二年併省冗職以兵部郎兼職  
方各題

駕部郎中

周夏官之屬有輿司馬有校人主馬之官有牧師掌牧故布巾車掌公  
車之政及主之五輅皆駕部之本也。魏。晉尚書有駕部郎。宋駕  
部屬左民尚書。齊有之。後魏與北齊並曰駕部郎中。隋曰侍郎  
屬兵部。湯帝除侍字。唐武德加中字。龍朔改司輿大夫。咸亨  
復。天寶中改司駕至德復興。宋駕部判司事一人以無職事朝官  
充輿輦車乘隸於大僕傳驛給受一出於樞密院既牧之政總於羣牧  
司本司無所掌。元豐改制即中員外郎始實行本司事續會初除王  
欽職參掌輿輦車馬驛置既牧之事大禮則戒有司具五輅續會。建  
炎三年以駕部兼庫部復併大僕寺歸駕部本朝。隆興改元復裁內  
外官於是駕部又當省而即適贛讀王府而詔聽留需其遷勿補闕後  
間或一置而一員之制定矣題兵部四曹而止一員

刑部尚書

漢成帝時尚書初置二千石曹主郡國二千石又置三公曹王斷獄。  
光武改三公曹。歲書考課諸州郡政二千石曹掌中都官水火盜賊  
辭訟罪法亦謂之賊曹。重於諸曹。魏置尚書都官郎佐督軍事。  
晉以三公尚書主刑獄。齊梁陳並有都官尚書。宋三公比部主刑  
法又置都官尚書主軍事刑獄。隋開皇改都官為刑部尚書統都官  
刑部比部司門四曹。唐因之。龍朔改司刑大掌伯。咸亨復。武  
后改為秋官。神龍復。天寶改為憲部。至德復掌律令刑法徒隸  
按覆讞禁之政唐職。宋刑部尚書侍郎即中止為階官而刑部判官  
事二人以御史知雜已上或朝官充。淳化二年以刑部復大辟案增  
置審刑院凡四方以具獄來上則藏於審刑院。大中祥符二年置糾  
察在京刑獄司。元豐三年並併歸刑部五年官制行六部各正其職  
而刑部始得專其官尚書掌天下刑獄之政令而侍郎即中員外郎分  
治其事續會是時尚書猶未除人職

刑部侍郎

隋煬帝置刑部侍郎。唐因之。龍朔改為司刑少常伯。光宅中為秋官侍郎。天寶中為憲部侍郎掌律令刑名覆案大理及諸州應奏之事。通典。宋沿革。書門。元豐正名初除崔台符。自大理卿除。見續會要。

刑部郎中

漢尚書有三公曹。後漢有二千石曹。魏有都官曹皆掌刑法獄訟之事。晉。宋。齊並以三公郎曹掌刑獄置郎中一人。隋初省三公曹置刑部曹掌刑法置侍郎一人。煬帝除侍字又改憲部郎。唐用之。武德改刑部郎中。龍朔改司刑大夫。咸亨光宅神龍並隨曹復改。六典。宋沿革。書門。元豐正名初除胡接杜紘。職。

都官郎中

都官者本因漢置司隸改刑其屬官有都官從事一人掌中郎官不法事因以名官。都官者義取中都官中都官謂京師官也。後漢又改二千石曹掌中都官水火賊盜。魏青龍二年陳矯奏置都官郎曹郎

中丞。晉。宋。齊都官郎中並掌京師非違得失事非今都官之任。

後周置司厲之職掌諸奴男女男子入於罪隸女子入於春鑪之事。

蓋今都官郎中之任。隋置都官侍郎二人猶掌非違得失。開皇

改都官尚書曰刑部其都官郎曹遂改掌簿錄配沒官私奴婢。唐因

之武德加中字。龍朔改曰司僕大夫。咸亨後故典。宋都官判司

事一人以無職事朝官充凡俘隸簿錄給衣糧醫藥之事分領於他司

本司無所掌。元豐改制郎中員外郎始實行本司事參掌徒流配隸

及吏籍之事。續會要。初除韓宗良。職。列四案謂軍大將案吏籍案配籍案

知雜案

比部郎中

魏尚書有比部曹。晉因之。宋比部主法制。齊。梁。陳皆有之

。北齊掌詔書律令勾檢等事。後周曰計部中大夫。隋為比部侍

郎。煬帝除侍字。唐加中字龍朔改司計大夫咸亨後天寶改為司計

至德復掌內外諸司公解及公私債負徒役功程贓物帳及勾用度物

通。宋比部判司事一人以無職事朝官充凡勾會內外賦歛經費出納逋欠之政皆歸三司勾院磨勘理欠司本司無所掌兩朝國史志自治平至熙寧初凡四年而未鉤考帳已踰十有二萬錢帛芻粟虧損不可勝數遂置提舉帳司領之元豐官制行釐其事歸比部郎中員外郎始實行本司事四朝志初除宇文昌齡羅列五案勾覆案磨勘案理欠案憑由案知雜案

工部尚書

漢成帝初置尚書有民曹主九吏民上書。光武改民曹主繕修功作鹽池園苑。晉。宋有起部尚書而不常置每營宗廟宮室則權置之。事皇省以其事分屬都官及民工尚書。北齊起部亦掌工造屬祠部尚書。後周有文官大司空卿掌五材九範之法其屬有工部中不失業百工之籍而理其政令至隋乃有工部尚書蓋因後周工部之名兼前代起部之職。唐因之龍朔中改為司平太常伯咸亨復。武后改為冬官神龍後總判工部屯田虞部水部事顯掌天下百工屯田山澤

之政令六典。宋工部判部事一人以兩制以上充凡城池土木工役程

式皆隸三司修造案本曹無所掌元豐官制行尚書掌百工山澤溝洫

屯田之政令侍郎為之貳郎中員外郎參掌之續會是時尚書猶未除

人職。紹興三年併省府監歸工部以文思院屬焉。文思院舊屬少

工部侍郎

府監至是以少府監併工部故文思院監官令工部辟差

隋煬帝改置工部侍郎。唐因之龍朔改為司平少常伯咸亨復他時

曹各或改而官不易通典職掌。宋沿革見尚書門。元豐正名初除熊本

工部郎中

晉宋齊皆有起部郎中。梁陳改置起部侍郎。隋初為工部侍郎煬

帝除侍字改起部。唐武德改工部郎中龍朔改司平大夫咸亨復光

宅神龍並隨曹改復六典。宋沿革同尚書門。元豐正名初除范子奇

高遵惠職

屯田即中

漢尚書郎四人其一主戶口墾田蓋屯田之始也范勝之為侍郎教田  
三輔。魏有農部郎曹。晉始置屯田郎中東晉宋齊並左民郎中兼  
知屯田事。陳隋並為侍郎煬帝曰屯田郎。唐龍朔中為司田大夫  
後復故掌天下屯田事及在京文武職田諸司公解田以品給焉唐職  
。宋屯田判司事一人以無職事朝官充凡屯田之政令隸三司本司  
無所掌。元豐改制郎中員外郎始實行本司事兩朝。參掌營屯田  
官莊唐濼學校職分之田及其租入四朝初除張叙職。元祐改入戶  
部。崇寧復續會要見崇寧中興間除題名。虞水二部以閑曹久不  
除惟屯田間除

六部監門

紹興二年以吏部尚書沈與求之請詔置六部監門官一員選陞朝文  
臣有才力人充仍令六部長貳奏差序位請給依寺監丞初以平江通  
判董將為之中興會要其六部監官隸尚書左右選見中興會要

六部架閣

元豐有六曹架閣庫續會要崇寧元年何執中為吏部尚書四選按集吏  
藏于家以舞文取賄執中請置庫架閣命官莅之是後六曹皆建立四朝  
史何執中傳大觀三年罷內吏部令司封餘部未曹即官管勾政和三年六  
曹依舊置管勾架閣庫官宣和二年罷續會要宣和二年戶部勘會紹興三年立六  
部架閣庫中興題名十五年以大理寺丞周楙有請詔復置官吏戶部各  
差一員禮部兵部共差一員刑工部共差一員以主管尚書某部架閣  
為各中興會要舊制官充其司置于六部之內或遇其廢則以郎省兼之否  
則以監六部門兼之迨于紹興寺監簿正官俱復然始充司于外也舊  
制金耀門文書庫多藏三司帳籍三司今版曹也自銓曹而下諸藏帳  
籍之所未之詳焉其後置六部架閣下大抵成案留部二年然後畀而  
藏之又八年則藏之金耀今金耀無復曩日則悉藏於架閣庫二也二  
者不同而至於諸曹二十四司之文書盡歸儲蓄以待有用則今猶昔  
也

李大異架閣題名記

群書考索卷之八

後集

群書考索卷之九

後集

山堂先生章俊卿編輯  
建陽知縣區玉刊行

官制門

九卿類

夏商九卿。伊尹曰九卿通寒暑。周六官是為六卿又立少師少傅少保是為三孤與之六卿為九前漢百官注。漢正卿九。太常光祿勳衛尉太僕廷尉鴻臚宗正大司農少府亦謂之九寺大卿。又置十二卿。執金吾大長秋將作大匠。後漢分屬太尉司徒司空。魏。晉。宋。齊如舊太府少府大僕。秋卿。衛尉。廷尉。大匠。冬卿。光祿。鴻臚。太舟即都水。後魏置六卿。各有少卿。北齊謂之九寺。隋。唐因之龍朔改九年名九卿皆加正。若大常卿為奉常正卿。後復舊又九寺皆曰棘卿見通典。宋雖設九卿皆以為命官。

之品秩而無職事。元豐正名始有職掌。中興以來併省冗職除太常寺大理寺不罷外宗正以太常兼而衛尉併兵部太僕併駕部大府司農併戶部光祿鴻臚併禮部。紹興復置宗正大府司農餘遂廢與

太常寺太常卿

唐虞伯夷為秩宗夔典樂太常之任也。周曰宗伯為春官典邦禮。秦改秦常典宗廟禮儀有丞。漢初曰太常以列侯忠孝恭謹者居之秩中二千石。太常者王之旌也。畫日月有大事則建以行禮禮官主奉持之義太常欲令國家盛太常存。惠帝更名奉常景帝更名太常王莽改為卿秩宗。後漢太常掌禮儀祭祀及行事掌贊天子。晉品第三銀章青綬進賢兩梁冠絳朝服佩水蒼王餘卿皆同。魏。晉。宋齊皆有舊用列曹尚書好遷選曹尚書領護。梁太常宗正司農為春卿太常位視金紫光祿大夫。後魏為上卿兼置小卿官。周禮有小宰伯。北齊曰太常寺置卿及少卿丞各一人掌陵廟群祀禮樂儀

制天文術數衣冠之屬。隋與北齊同煬帝加置少卿二人。唐因之龍朔改為奉常咸亨復舊光宅改為司禮神龍復正卿一人總判寺掌禮樂郊廟社稷之事總大樂鼓吹大醫太卜廩犧諸祠廟等署典。宋太常寺皆以祭林之長主判續會要云皆以兩制充而禮院自有判院同判院。祥符中符瑞繁縟別建禮儀院輔臣主判而知制誥為知院。天禧未罷知院。天聖中省禮儀院而寺與禮院事舊不相兼。康定元年置判寺同判寺並兼禮儀事。元豐正名始專其職焉。卿掌禮樂郊廟社稷壇壝陵寢之事

禮之名有五吉賓軍嘉凶皆掌其制度儀式祭祀有大祠有中祠有小祠其犧牲幣玉酒薦獻器服各辦其等掌樂律樂舞樂章凡親祠及四孟月朝獻景靈宮郊祀太廟掌贊相禮儀升降之節及朝會宴饗上壽封冊之儀若禮樂有損益及祀典神祇爵號與封襲繼嗣之事當考定者擬上於禮部凡太醫攻令以時頒行四朝志。元祐詔太常寺置長貳餘寺監長貳並互置會中與併省寺監獨存太

常又命太常兼宗正。紹興復會中興要。隆興元年詔光祿寺併歸太常寺兼領丞二員罷會宗要

太常少卿

周小宗伯少卿之任。秦。漢無聞。後魏太和初置少卿一人。後周為小宰伯景明初少卿為第一清選明禮樂兼天文陰陽者為之。隋置少卿一人。煬帝置一人。唐武德置一人。正觀置二人。龍朔改為奉常大夫。宋少卿無職事以為階序品秩元豐正名始有職掌元祐元年呂純禮為少卿御史論門廕得官不可任奉達於是外補續會。中興建炎三年品太常少卿一員兼宗正少卿會

太常丞

奉常秦官有丞。漢多以博士議郎為之。後漢諸丞皆掌行禮及祭祀小事總署曹事皆銅印黑綬歷代皆有。唐因之分判寺事備典。宋景祐中詔時差近上知禮官一員兼丞事御史李泌之請也職。建炎三年省丞。紹興三年復置會中興要

太常博士

秦官。漢叔孫通為博士定禮制博士掌通古今員多至數十人。後漢置十四人。魏。晉時掌引導乘輿王公以下應進謚者則博士議定之歷代皆有。隋四人唐因之甚為清選資位與補闕同掌撰五禮儀注導引乘輿贊相祭祀定誅謚及祥瑞之事通典分紀。宋祥符中置博士二員後四員。元豐正名初除何洵直博士掌講定五禮儀式有改革則擬經審議禮於法應謚考其行狀撰定謚文有祠事則監視儀物掌凡贊道之事四朝志。中興省丞簿而太常博士如故。紹興元年諫議大夫曾統言祖宗朝太常博士四員今見一員詔添置一員會中興要

太常寺主簿

主簿漢有之鹵簿之制太常駕四馬主簿前車八乘。魏。晉亦有之。唐置二人掌付事勾稽省置抄目監即給紙筆等事。餘寺主簿並同聽通典分職。宋皇祐中宋祁乞增置一員勾檢在寺文書及掌出納遂除胡瑗後詔更不置。元豐正名初除王子琦職建炎三年省簿詔



興十年復置會要

大社令

周建國左宗廟右社稷故有典祀掌以時祭祀以時而祭則徵役於司  
隸師其屬而修除之。秦。漢有太祝令。景帝改為祠祀。武帝更  
曰廟祀。後漢祠祀屬少府。魏。晉有太祝令丞。宋有明堂令丞  
掌祀五帝之事。齊有太祝及明堂二令。梁有明堂太社二令。北  
齊太廟令兼領郊祀崇虛二丞。郊祀掌王郊群神崇虛掌岳瀆神。  
後周有司郊司社。隋置郊社令。唐因之掌郊社明堂祀祠祈禱及  
亭土衣冠等事。宋初年置郊社令命石祖元為之。熙寧元年郊社  
局令張伯世言局有郊社名而不主四郊之事於是始主四郊壇壝之  
事

按唐六典兩京郊社局各一人掌五郊社稷明堂之位然則郊社  
令通掌五郊之事乞自今兼令勾當四郊壇壝之事使得巡視提舉  
掌貴官正其名郊祀資潔從之郊社令掌巡視四郊及社稷之壇壝

所凡掃除之事祭祀則省性四朝志

渡江初闕紹興十九年始除韓彥直為大社令請給等並依五監主簿  
例中興會要

籍田令

周為甸師。漢文帝感賈誼之言始開籍田置令丞掌耕國廟社稷之  
田春始東耕於籍田祠先農大賜三輔二百里孝弟力田三老帛種百  
穀收萬斛立為籍田館穀皆以給祭天地宗廟群臣之祀。東漢及魏  
闕晉武復置江左省。宋元嘉中又置通典。宋文帝籍耕耨出納之事  
五穀蔬菓藏水以待用見四朝志。元豐三年詔籍田令隸太常寺續會要。  
渡江初闕。紹興十五年初除康與之為籍田令三十一年詔籍田司  
權罷官吏並罷中興會要後復置

大理寺大理卿

虞舜命皋陶作士正五刑孔安國曰理官也。周官為司寇。晉文公  
使李離為理。韓詩外傳曰謂察理刑獄也。秦置廷尉掌刑辟有正



周禮記王制成獄辭史以告於正正聽之。秦置廷尉正二人。漢廷尉正監及平謂之廷尉三官秩千石。梁服獬豸冠銅印黑綬。唐龍朔改為詳刑大夫光宅中為司刑正後復改掌議獄正科條凡丞斷罪有不當者則以法正之。唐志。掌參議刑辟詳正利條之事。見職林分紀。宋神宗復置大理獄後置寺正。元豐五年刑部奏乞分評事司直與正為斷司丞與長貳為議司凡斷案先上正看詳當否論難改正然後過議司覆議。會要。建炎併省斷刑治獄寺正各置一員。中興會要

大理寺丞

晉武帝咸寧中因曹志上書請廷尉置丞。隋改為勾檢官。唐置丞六人掌分判寺事正刑之輕重。宋神宗復置大理獄丞四員命卿少舉官。元豐五年命莫君陳等九人為大理寺丞始自朝廷差官也。續要。舊制斷刑寺丞六員建炎三年減三員治獄寺丞減二員。中興會要

大理司直

後魏永安三年高穆奏置司直十人位在正監上不署曹事唯覆理御

史檢劾事。六典注。唐置六人掌承制出使推覆若寺有疑獄則參議之。宋熙寧中置大理獄至元豐五年始命程嗣先四人為四直。續會要。建炎三年詔斷刑司直兼治獄司直其治獄司直罷。中興會要

大理評事

漢宣帝地節三年初於廷尉置左右平員四人。後漢光武省右平唯有左平掌平失詔獄冠法冠。魏晉以來無左右而直謂之廷尉評。隋置大理評事。此語。唐正觀二十二年褚遂良議重法官奏置評事十員掌出使推覆後加為十二員。續會要。宋熙寧置大理獄至元豐五年始命張仲穎等十二人為評事。續會要

大理寺簿

晉初置廷尉主簿。六典。後齊九寺各有主簿。隋百官志。唐置二人掌印省署抄目勾檢稽夫。言百官志。宋元豐正名初除二員。建炎三年省後復司農寺司農卿

少皞氏以九扈為九農正。扈通典作鳩法鳩鳥也。鳩有九種以為農

號。舜命棄為后稷播時百穀。周禮有太府掌九賦九貢。大。秦  
為治粟內史掌穀貨。韓信歸漢為治粟內史即其任也。景帝更名  
大農令。武帝太初更名大司農掌九穀六畜之供膳羞者凡郡國諸  
倉農監都水六十五官皆屬焉。通典屬官有太倉均輸平準都內籍田  
五令丞。平帝改曰義和以劉歆為之。又改為納。後漢為大司農掌  
諸錢穀金帛。及諸貨幣郡國四時上月且見錢穀簿邊郡諸官諸調  
度者皆為給報損多益寡取相給定郡國塩官鐵官並屬。歷代皆有  
。置十二卿以署為寺官為卿。唐有司農卿龍朔改為司稼咸亨  
復卿掌邦國倉儲委積之事

總四署諸監謹其出納京師百官廩祿皆仰給焉朝會祭祀共御所  
須孟春皇帝親耕籍田之禮有事于先農則奉進耒耜李冬藏冰祭  
司寒以黑牡秬黍仲春啓冰亦如之。通  
宋司農寺判寺事二人以兩制或朝官以上充。熙寧二年立常平欽  
散法三年詔以新法付司農寺而農田水利免後保甲等法悉自司農

議行。元豐官制行寺監不治外事遂循唐典正其職秩司農舊職悉  
歸戶部右曹。續會司農掌倉儲委積之政令總苑囿庫務之事而謹其  
出納京都官吏祿廩諸路歲運至京師悉掌焉凡苑囿行幸排比及薦  
饗進御頒賜植藏之物與造麩葉給薪炭皆戒有司以時辦具天子親  
耕籍田則奉耒耜所隸官屬凡五十倉二十有五。會要總倉  
二。續會要排岸司四。續會要園苑四。並四朝志建炎三年詔罷司農寺紹興四  
年復置司農寺卿少各特置二員。會要中興

司農少卿  
後魏。北齊司農寺置少卿。隋唐因之。宋元豐正名置少卿為卿  
之貳。建炎三年省。紹興四年復。會要中興

寺農寺丞

秦治粟內史有兩丞。漢司農丞亦二人或謂之中丞。通典耿壽昌為  
大司農中丞奏設常平倉給北邊省轉漕又桑洪羊為大司農中丞管  
諸計會事。平帝又置大司農部丞十三人入部一州勸農桑。後漢

司農丞一人。部丞一人。**魏**。晉因之。銅印黃綬。進賢一梁冠。**宋**。齊以黑綬並通。唐有丞六人。掌判寺事。凡天下租稅及折造轉運于京師。皆閱而納之。以供國用。以祿百官。紛。**宋**。新法行。呂惠卿請始置司農寺丞一員。以農田水利免役保甲等法付司農。熙寧五年。增置丞四員。仍與簿輪出按察。逐州保甲。元豐四年。舒亶請止留丞一員。餘並罷。明年改制。以司農舊職悉付戶部右曹。而始循唐典。正其秩職。續要。建炎三年。詔罷司農寺。紹興三年。復置寺丞二員。中興會要

司農寺主簿

**晉**。太康中。置主簿一人。自後無聞。**梁**。陳又有北齊亦然。**唐**。主簿二人。掌印署抄目。勾檢稽失。出納通典。**宋**。治平中。已置主簿。熙寧新法行。詔增一員。五年。增至四員。後置六員。元豐四年。舒亶請存三員。餘並罷。仍與丞輪出逐州按察保甲。續會要。建炎三年。罷司農。紹興十年。復置。中興會要

太府寺太府卿

**唐**。官有太府。下大夫掌貢賦之貳。受其貨賄之入。頒其貨賄于受藏之府。即今太府之任。歷代不置。然其職在司農少府。至**梁**。天監置太府卿。掌金帛府帑及關津市肆。位視宗正。後**魏**。太和改少府為太府卿。掌財物庫藏。王顯謂楊固曰。吾作太府卿。庫藏充實。固曰。減百官之祿。及卿贖。悉入京藏。以此充府。未足為多。北齊兼掌造器物。後周。太府中大夫賞貢賦貨賄。以供國用。屬太冢宰。隋初。與北齊同。所堂左右藏及尚方。左內右司染等署。唐因之。龍朔改太府為外方。織染等署。但管京都市及平準左右藏。唐因之。龍朔改太府為外府。正卿咸亨。復光宅改為司府。神龍復領兩京諸市。平準左右藏。常平等九署。蠲。**宋**。太府寺判寺事一人。以兩制或帶職。朝官充。凡財貨廩藏。貿易四方。貢賦百官。俸秩皆隸三司。本寺俱掌供祠祭香幣。悅中神位。席及造斗秤。分人而已。元豐改制。始正職掌。此據續會要而題名。乃云國初。省部寺監。惟以寄祿。寺則光祿太常宗正衛尉司農大理。或以卿。或以貳。或以丞。各寓一階。則設王判之。

考索後集卷之九  
官以典室惟太府則否其職悉入三司諸案故主判之任罕置與會  
要稍異當考

卿掌財貨出納貿易之事凡貢賦之輸于京師者至則別而受之供君  
之用及待邊費則歸於內藏供國之用及待經費則歸于左藏

應祿賜以法給曆從有司檢察書其名數鈎覆而後給焉供奉之物  
則承旨以進審奏得畫乃聽除之若頒畿內軍衣則前期進樣定其

頒曰將校部營兵支請月具數以聞凡商賈之賦小賈即門征之大  
買則輸於務貨之不售平其價鬻於平準乘時賒貸以濟民用若貨

取於官則給用多寡各從其抵歲以香茶鹽抄募人入豆穀實邊即  
京都闕用物預報度支凡課入以盈虧定課最行賞罰大祀最裸則

卿置幣羹王則入陳王帛

元祐三年詔太府寺置長貳餘寺監長貳互置。建炎三年詔罷太府  
寺撥隸金部獨以一丞治雉名之質劑凡省五年而後復置卿少一員  
初除馬承家。初元豐以在京司局分屬寺監而太府總為二十有四

今雖頗省猶剩於他寺以式班內外之稟稍覆其名數而鈎磨之則諸  
軍諸司糧審四院屬焉頌財用於受藏之府周知入出而會之則左藏  
東西兩庫屬焉時禁省官府之需以備用物則買務屬焉斥幣餘互市  
之積以便貿易則賣場屬焉比物莫賈俾從其抵則編。兩局屬焉藥  
石必良以除禮瘡則和劑惠民四局屬焉叙財幣以待上之賜好則祗  
候庫屬焉制券之短長以通商則鈔引庫屬焉所異於元豐者惟內藏  
奉宸不外屬雜貨額隸於諸司

少府少卿

後魏孝文帝改少府為太府置少卿一人。北齊因之。隋煬帝加至

二人。唐減一人貞觀中復。龍朔。咸亨。光宅。神龍並隨寺改

復。宋太府寺同判寺同判寺一人以京朝官充。元豐正名置少

卿一人以為卿之貳。元祐三年詔太府長貳並置餘則否。建

炎中興省紹興四年復。中興會要

太府寺丞

考索後集卷之九

官制

九

丞於周官為太府上士之任。梁選部太府丞一人。陳因之。後魏亦一人。後周曰太府上士。隋又曰太府丞六人。唐四人通典掌判寺事凡正大朝應貢萬物應陳於殿廷者皆受而進之紀分。宋丞二人元豐改制置丞二人元符中增一員崇寧中置藥局又添丞一員宣和中省一員建炎三年罷太府寺紹興二年置二員中興會要

太府寺主簿

主簿亦周官太府下士之任。梁置一人。陳因之。後魏一人。隋四人。唐二人掌印省署抄目勾檢稽失凡置木契九十五隻通典分統。宋元豐改制置主簿二人續會要。建炎三年罷太府寺紹興十年復置中興會要

## 群書考索卷之九

後集

## 群書考索卷之十

後集

山堂先生章俊卿編輯  
建陽知縣區玉刊行

○官制門

秘書類

秘書

周外史掌四方之志三皇五帝之書。漢圖籍所在有石渠石室延閣廣內貯之於外府又有御史中丞居殿中掌蘭臺秘書及麒麟天祿二閣藏之於內禁。後漢圖書在東觀成帝始置

秘書監

掌典圖書古今文字考合同典屬太常

魏武帝置秘書令典尚書奏事文帝置中書令而秘書改令為監掌藝文圖籍之事初屬少府自王肅為監乃不屬其蘭臺亦藏書籍而御史掌之魏薛夏云蘭臺為外臺秘書為內閣。晉武帝以秘書併入中書

省以祕書省著作之局不廢惠帝後別置祕書監併統著作局掌三閣圖書自是祕書之府始居於外。[梁]曰祕書省。[後周]祕書監亦領著作監備國史。[隋]祕書省領著作太史二曹後又改監為令。[唐]武德初改為監龍朔二年改祕書省為蘭臺改監為太史天授初改祕書省為麒麟閣神龍初復掌經籍圖書領著作太史二局通判省事其後國史太史分為別曹而祕書省俱主書寫勘校而已。[宋]太平興國始建昭文館史館集賢院皆總為崇文院及端拱初建祕閣擇三館書籍真本并內出古畫墨迹藏之亦在崇文院中淳化中詔祕閣次三館祕書省仍隸京有司時祕書雖有監少監丞即校書郎正字著作即佐皆以為寄祿官常帶出入即官至祕書監有特令供職者有以他官兼領有以判祕閣官兼判者至道中宋白以翰林兼祕書監祥符中楊億以判祕書監判祕閣兼祕書省事凡邦國經籍圖書悉歸祕閣而祕書所掌掌祭祀祝版而已元豐正名既罷館職盡以三館職事歸省祕書省置祕書省職事官自監少至正字不領他局初除龍圖閣學士王勝之為

祕書監時寄祿官已正議大夫蓋金陵欲重此選又勝之雅有文學故也

監

掌書籍國史天文曆數之事屬有五著作即佐祕書校書正字各以職隸長貳惟日曆非編脩官不預元祐中復置館職已而隨官資除授或預內外職任不必專在館中紹聖初罷之宣和初考元豐之制增為十八員以倣登瀛洲之數建炎三年罷紹興元年復置五年立定十八人為額太史局文德殿鍾漏所隸焉隆興元年詔監少丞外以七員為額二年詔依祖宗舊法更不立額

少監

隋煬帝置後改為今唐龍朔中改為侍郎尋復太極中曾掌二書國

史天文曆數之事

監丞

魏武帝置祕書令及丞典尚書奏事黃初中有左右二丞後省晉復置齊梁尤重後周柳蚪為祕書丞時祕書雖著作不參史事因蚪為丞始令監掌唐龍朔中改蘭臺為大夫尋復宋淳化中詔祕書丞仍舊

惟無定員及不專職分蒞中外之事元豐正名始定為職事官下並同

掌參領書籍國史天文曆數之事

考索



秘書郎

後漢馬融為秘書郎詣東觀與校書魏武嘗以劉邵為之晉掌中

丁四部校

補其居職例十人各掌其一宋齊未多以貴遊子弟為之無其才

實北齊又

謂之即中隋祖諱忠除中字唐分判校馬功程龍朔中改為

蘭臺郎尋

復舊天授初曰麟臺郎尋亦復舊唐秘書郎三人掌四部圖書

正二曰副

三曰貯刊馮分貯集賢院史館昭文館秘閣經籍圖書則秘

書郎主之

元豐制見上元祐四年秘書郎並除聖初罷校理

校書郎

漢之蘭臺及後漢東觀皆藏書之室當侍史學之校書其中或有

以印中居

其任則謂之校書郎中當特重其職故學者稱東觀為老氏

校典籍為

文士起家之良選其設文館宗著作司經局並有校書之

籍刑正文

字皆下其制以正四庫之國史焉編輯校正定其誤脫則

校書郎主

之元豐制見上建炎罷紹興復置又參

正字

後漢成帝初置秘書監掌圖書古今文字考合同異其後監今掌圖

秘書之通

制歷代無聞此齊集書省掌親議有正書秘書省同正元八年

正字隋四

人唐因之掌刊正文字其官資輕重與校書郎同正元八年

屬集編緝

校定其脫誤則正字主之元豐制見上建炎罷紹興復置又

賢殿

也

著作佐郎

漢東京圖書悉在東觀故使名儒碩學人在東觀撰述國史謂

之著作

東觀皆以他官領焉蓋有著作之任而未嘗為官員也

總明帝太

和中始置著作郎官隸中書省專掌國史後置佐著作郎官

隸中書省

專掌國史後又置佐著作郎官隸中書省專掌國史後置佐著作郎官

元康詔曰

舊著作舊屬中書今必書既與文籍宜改中書著作為秘書

著作於是

改律秘書後別自置謂之著作省而猶隸省秘書著作即一

人謂之大

著作專掌史任佐著作郎始到職必撰名臣傳一人宋齊以

宋遷佐於

下謂之著作佐郎亦掌國史集注起居梁初周洽裴子野皆

以他官領

其職與大著作同陳為今僕子起家之選後周為春官之外

經筵

史唐為著作局亦屬秘書省龍朔改著作郎為同文

即尋復舊

物著作即掌備國史及製碑頌之屬分刊局事佐即或

之徒有撰

史之名而實無其任其任盡在史館其屬有校書正字掌脩

纂日曆祭

祀祝辭則著作即佐主之元豐制見上初除林希為大

周官師氏

掌以媿詔王保氏掌諫王惡。漢武時兒寬見帝語經學宣

帝甘露三

年詔諸儒講論五經於石渠閣光武平隴蜀後數引公卿即

將講論經

理建武五年受尚書通大義每朝令巨榮敷奏經義顯宗時

張酺以尚

書教授數講於御前肅宗即位引酺會庭中使酺講尚書一

篇建初四

年會諸儒于白虎觀講五經同異帝親臨決如石渠故事盧

帝詔三公

選通尚書章句舉楊賜侍講于光華殿。唐太宗時置洪文

館精選天下文學之士又命孔穎達講五經正義元宗開元十三年改  
麗正脩書院為集賢殿書院選耆儒日一人侍讀以質史籍疑義置集  
賢院侍讀學士侍讀直學士褚元量馬懷素為侍講每入闕門則令乘  
有輿以進親自迎送以申師資之禮韋處亨通五經穆宗詔入為翰林  
侍講學士。宋太祖召趙孚對後殿講周易又召王昭素對便殿令講  
易乾卦太宗太平興國八年用呂文仲為侍講又幸國子監孫奭講尚  
書真宗咸平元年召崔頤正講尚書於景福殿又於苑中說大禹謨以  
年老致仕仍充直講二年以楊徽之夏侯嶠並為翰林侍讀學士侍讀  
學士邢昺為翰林侍講學士先是侍講朱崇首置此職擇耆舊以充其  
選班次如翰林學士設直廬於秘閣侍讀更直仁宗天聖元年前始御  
崇政殿召翰林侍講孫奭馮元講論語初詔雙日至是隻日亦詔講讀  
六年又命孫奭講尚書景祐元年以賈昌朝趙希言王宗道楊安國並  
為崇政殿說書日以二人入侍講院崇政說書自此始慶曆三年詔御  
史中丞侍講延英閣故事中丞無預經筵者以昌朝善於講論特詔之

四年命曾公亮講毛詩王洙讀祖宗聖政錄丁度讀前漢書初元吳玠  
罷讀至是復命講讀皇祐三年御延英閣讀易又御集賢閣講易英宗  
時御邇英閣召講經史元豐官制廢翰林侍讀侍講學士但以為兼官  
必侍從以上兼之其秩卑資淺則為說書歲春二月至端午日秋八月  
至長至日過隻日入侍邇英閣輪官講讀元祐七年復增學士之號元  
符元年省神宗時司馬光進讀通鑑漢賈山疏因言從諫之美拒諫之  
禍又讀通鑑漢紀至曹參代蕭何為相一遵何規矩上曰使漢常守何  
之法久而不變可乎光曰不獨漢也夏商周之子孫苟能守法雖至今  
存可也建炎二年三月甲午詔經筵講論語讀資治通鑑至四月庚申  
上諭宰執曰故事自五月至八月罷講筵朕以寡昧屢茲艱難方夙夜  
孜孜於經史若如故事則累月當廢疑義無所質朕欲勿罷可乎群臣  
皆稱善於是詔勿罷講筵論聖政宋朝講讀官初未有定制太宗始命呂  
文仲為侍讀繼而加翰林學士侍讀真宗時乃特置翰林侍讀學士班  
次翰林學士舊講讀官每見先賜坐暫起講復坐仁宗富於春秋乃令

儒臣並就御案遂為故事王安石以為道之所存禮亦加重請復賜坐  
不行程願為侍讀請坐不從元祐間蘇頌為侍講請慶曆故事詔講讀  
官遇不講日各進漢故實二事

崇政殿說書

宋景祐元年置以賈昌朝為之四年改為大章閣侍讀慶曆二年以趙  
師民預講官復為崇政殿說書紛蓋秩卑資淺則為說書不兼侍講元  
祐間范純夫乃以著作佐郎兼侍講司馬公休又嘗以著作佐郎兼侍  
講前世所未有也呂原明家壘廣記崇寧初除說書二人皆以隱逸起蔡宗  
呂瓘仍遂其性詔以士服隨班朝謁入侍上

職名

宋之制有士曰殿學士曰閣學士曰雜學士曰待制曰殿撰曰脩撰曰  
直閣殿學士士有觀文有資政有端明資望極峻無吏守無典掌惟出  
入侍從備顧問

觀文殿大學士非宰相不除

皇祐元年詔置觀文殿大學士寵侍舊相今後須曾任宰臣乃得除授  
時賈昌朝由使相右僕射觀文殿大學士判尚書都省觀文殿置大學  
士自昌朝始三年詔班在觀文殿學士之前六尚書之前會自是嘗任  
宰相者仕必為大學士熙寧中韓絳宣撫陝西河東得罪能守本官四  
年用明堂教授觀文殿學士宰相不為大學士自絳始續會要

觀文殿學士以寵輔臣之去位者

觀文殿即舊延英殿初為文明殿學士四朝慶曆七年宋庠言文明殿  
學士稱呼正同真宗謚號兼禁中無出殿額其學士理自當罷。擇見  
今正朝或祕殿以閣學士易之乃詔改為紫宸殿學士以參知政事丁  
度為之會。時學士多以殿名為官稱丁遂稱曰丁紫宸歸田。八年  
御史何郊以為紫宸不可為官稱於是改延恩殿為觀文殿。歐陽公  
云觀文乃隋煬帝殿名理宜避之蓋當時不知然則朝廷之士果不可  
以無學也。即殿名置學士會以丁度為之東齊自後非曾任執政事  
弗除續會要熙寧中王韶以熙河功元豐中王陶以官僚雖未歷三府亦

除是職蓋異恩也然韶首兼端明殿龍圖閣學士續會典官

資政殿大學士學士亦以寵輔臣

資政殿存龍圖閣之東序景德二年王欽若罷參政真宗時置資政殿學士以寵之在翰林學士下侍讀學士上十二月復以欽若為資政殿大學士班在文明殿學士之下翰林學士承旨之上資政殿置大學士皆自欽若始景祐元年詔資政殿學士薛奎班在翰林學士承旨之上薛奎事康定二年右正言梁適請遵先朝故事定以員數康定詔大學士置二員學士三員會要。舊制資承殿大學士學士並以寵輔臣之去位者元豐中韓維陳薦皆以東宮舊臣故特授焉會要

端明殿學士惟學士久次者始除

端明殿即西京正衙殿也退朝。後唐天成元年明宗即位之初四方

書奏命樞密使安重誨進讀惜於文義孔循獻議始置端明殿學士命馮道趙鳳俱以翰林學士充班在翰林學士上後有轉改上於翰林學士內選任初如三館例職在官下趙鳳轉侍郎諷任園特移職在官上

後遂為故事。晉天福五年廢開運元年復五代。宋太宗時程侍郎

羽為之後隨殿名改為文明殿學士慶曆中改文明為紫宸復改紫宸為觀文其改置本末未見端文殿明道二年改承明殿為端明殿復置端明殿學士

以翰林侍讀學士宋綬為之在翰林學士之下大抵宋朝皆以翰林兼領不以翰林兼領者唯程戡王素乃特拜也自明道訖元豐無前執政為之者近來以侍學士之又次者元豐中以前執政為之自曾孝寬始以見任執政為之自王安禮始會要政和中嘗改為延康殿職建炎二年都省言延寧殿學士舊繫端明殿學士詔依舊會要近拜簽樞者多領焉

閣學士雜學士

宋廢官之外別加職名所以屬行義文學之上高以備顧問其次與議論典校讐得之為榮選擇尤謹元豐中備三省寺監之制其職並罷滿歲補外然後加恩兼職直龍圖閣省即寺監長貳補外或領監司帥臣則除之待制雜學士給諫以上補外則除之繫一時恩旨非有必得之

理議元祐二年詔增復館職及職事官並許帶職尚書二年加直學士  
中丞侍郎給舍諫議通及一年加待制紹聖二年詔職事官罷帶職非  
職事官仍舊會要

待制

唐永徽中命弘文館學士一人日待制于武德殿西門文明元年詔京  
官五品以上清官日一人待制于章善明福先天末又命朝集使六品  
以上二人隨使待制代宗永泰時勳臣罷節制無職事皆待制于集賢  
門凡十三人崔祐甫為相建議文官一品以上更且待制其後著令正  
待制官日二人開元中每日以六品以上清官二人待制于衙內唐職  
。據紀元云永徽中詔許敬宗每日待制于武德殿此始有待制之名  
。宋景德元年敕裴冕等並集賢待制此始有待制之所然則蓋唐設官也  
。宋景德元年罷龍圖閣待制以杜鎬成綸充並依舊充職祥符二年  
詔班視知制誥列其下元祐令從四品掌侍從備顧問有所獻納則請  
到或奏封續會要

龍圖閣

宋大中祥符中建龍圖閣在會慶殿西偏北連禁中閣東曰資政殿西  
曰述古殿閣上以奉太宗御書御製文集及典籍圖書寶瑞之物會要  
宗正寺所進屬籍世譜四朝志有學士直學士待制直閣

學士

大中祥符三年置以杜鎬為之班在樞密直學士之上。六年詔結銜  
在本官之上會要

直學士

景德四年置以杜鎬為之班在樞密直學士之下。祥符六年詔結銜  
在本官之上會要

待制

景德元年初置以杜鎬成綸為之並依舊充職。四年詔班在知制誥  
之下並赴內殿起居會要自改官制為學士初復之職或知制誥平出除  
之官制

直閣

祥符九年以馮元為太子中允直龍圖閣直學士名始於此

天章閣

天禧四年初建天章閣在會慶殿之西龍圖閣之北。明年仁宗即位。脩天章閣工畢奉真宗御製安于天章閣東曰群玉殿西曰藥珠殿。以在位受天書祥符故曰天章。取為章于天之義。天聖八年置待制慶曆七年又置學士直學士。贈又有侍講。

學士

慶曆七年初置在龍圖閣學士之下學士罕以命人迄仁宗世總王摯一人而已。

直學士

慶曆七年初置在龍圖閣直學士之下。會

待制

天聖八年初置寓直於秘閣與龍圖通宿尋命范諷鞠詠充職。會

直閣

政和中置詳見貼職

寶文閣

在天章閣之東西序羣五案珠殿之北即舊日壽昌閣

慶曆改曰寶文嘉祐八年英宗即位詔以仁宗御書御集藏于寶文閣

治平四年神宗即位始置學士直學士待制恩賜依龍圖英宗御書附

于閣。贈

學士

治平四年初置以呂公著兼。會

直學士

治平四年初置以邵必為之。會

待制

治平四年初置

直閣

政和中置

顯謨閣

元符元年曾布鄧洵仁各申請建閣詔翰林學士中書舍人撰閣名五以間之建閣藏神宗御集以顯謨為名徽宗建中靖國元年詔以顯謨閣為熙明閣仍置學士直學士待制續奉旨仍以顯謨為額崇寧元年詔顯謨閣學士直學士待制加三閣故事序位在寶文閣學士直學士待制之下。三年又詔以熙寧元豐功臣圖形於顯謨閣會

學士

建中靖國元年置

直學士

建中靖國元年置

待制

建中靖國元年置

直閣

政和中置

待制

大觀二年初建以藏哲宗御集置學士直學士待制

學士

大觀二年初置

直學士

大觀二年初置

待制

大觀二年初置

直閣

政和中置

敷文閣

紹興十年置寶錄院檢討朱翌申請乞建閣以藏徽宗聖製詔閣以敷文為名中興會要置閣學士直學士待制等官職

學士

紹興十年置

直學士

紹興十年置

待制

紹興十年置

直閣

紹興中置

殿章閣

淳熙十五年建藏高宗御製

學士

淳熙十五年置

直學士

淳熙十五年置

待制

淳熙十五年置初除劉國瑞也

直閣

淳熙十五年置

華文閣

慶元二年建以奉孝宗御製學士直學士待制直閣等官

學士

慶元二年置

直學士

慶元二年置

待制

慶元二年置

直閣

慶元二年置

貼職



祖宗以來重之有集賢殿脩撰。後改右文殿直龍圖閣直祕閣三等  
政和四五年二浙福建諸路監司郡守往往交通內官多以應奉有勞  
遷職遂有未嘗朝觀天子因忽為待制班從官者蔡京不樂政和六年  
因增其目置脩撰與舊為三等

曰集賢殿脩撰。唐張昌齡為北門脩撰孫逖為集賢殿脩撰脩撰  
之名始於唐也

曰右文殿脩撰。舊名集賢殿政和六年御筆集賢殿無此名祕書  
省殿以右文殿為名見任集賢殿脩撰並改作右文殿脩撰

曰祕閣脩撰置同

直閣

與舊為六等

曰龍圖天章寶文顯謨徽猷祕閣置前朝廷除授自此密矣舊貼職

無雜壓至是因增至乃定為雜壓蔡條國史外補。祥符九年以馮元為太

子中允直龍圖閣會直閣之名始此元傳。宋以史館昭文館集賢院

為三館皆寓崇文院端拱元年置祕書於崇文院以右司諫直史館  
宋必為直祕閣編直館直院則謂之館職以他官兼者謂之貼職元  
豐以前凡狀元制科一任還即試詩賦各一而入否則用大臣薦而  
試謂之十館官制行廢崇文院為祕書監建祕書閣於中自監少至  
正字列為職事官罷文館直院之名獨以直祕閣為貼職皆不試而  
除蓋特以為恩數而已紹興十年置直敷文閣淳熙十五年置直煥  
章閣淳熙令自集賢殿脩撰至直祕閣為貼職

# 群書考索卷之十

畢

後集

群書考索卷十一

後集

山堂先生章俊卿編輯  
建陽知縣區玉刊行

官制門

國子祭酒

周師氏以三德三行教國子凡國之貴遊子弟學焉。保氏養國子以道教之以六藝六儀。漢置博士至東京凡十四人而聰明有威重者一人為祭酒謂之博士祭酒。本注曰僕射中興轉為祭酒胡廣曰凡官名祭酒皆一位之元長古者賓得主人饌則老者一人舉酒以祭地故以祭酒為名此國子祭酒名所由始也。晉武帝咸寧四年立國子學置祭酒一人宋嘉中人置儒林祭酒一人以杜夷為之當為訓範總統學中衆事又立太學。宋不置學明帝置總明觀祭酒一人。齊末明中立學尚書令王儉領祭酒省總明觀。齊梁號為國師梁武帝以

國子學生舊限貴賤帝招徠後進五館生皆引寒門雋才。陳後魏亦曰國子祭酒。北齊國子寺有祭酒一人。隋開皇中國子寺不隸太常。凡國學諸官自漢以下並屬太常至隋始革之又改寺為學仁壽元年罷國子學唯立太學省祭酒等官。煬帝改國子學為國子監復置祭酒。唐因之龍朔改為司成館祭酒為大司成咸亨復光宅改為成均監神龍復領六學國子太學四門律學書學算學皆以儒學優重者為之職典。宋國子監有判監事有管勾監事待制以上則為判餘為管勾會要熙寧初詔用經術取士廣闢黌舍分為三學增置生徒總二千八百人朝廷有才於斯為盛及元豐中復正官名置國子監祭酒掌三學之教法政令續會要而祭酒猶未除人崇寧立辟雍置大司成一員為師儒之首總辟雍太學之政令位諸曹侍郎上本朝詔天下貢士以三舍考選政和罷三舍辟雍官屬並罷四朝志建炎三年併國子監歸禮部紹興三年詔駐蹕所在因國子監量養生徒置博士三員祭酒猶未置也十二年始置祭酒中興會要十三年太學成劉季襄題名記

國子司業

煬帝大業三年於國子監初置司業一人禮曰樂正司業父師司成因以為名。唐置二人副貳祭酒通判監事龍朔二年改為少司成咸亨初復舊凡祭酒司業皆儒重之官非其人不居通典歸崇政授國子司業上言司業義在禮記樂正司業正長也言樂官之長同主此業爾雅云大板曰業按詩周頌設業設篋崇牙樹羽則業乃懸鐘磬之篋篋也今太學師不教樂於義則無所取請改國子監為辟雍祭酒為大師氏司業一為左師一為右師詔下尚書集百僚定議以聞議者重難改作其事不行

宋有同判監事同管勾監事或帶職朝官充凡監事皆總之會要四元豐正名置司業掌三學之教法政令續會要初除朱服職建炎三年省紹興十二年復置會要隆興併省司業不許與祭酒並除乾道七年欲除劉焯孝宗曰司業乃祭酒之貳並置何妨於是始並置孝宗會要

國子監丞

隋置三人。唐一人掌判監事凡六學生每歲有業成上于監者以其業與司業祭酒試之登第者曰祭酒上于尚書禮部。宋景祐二年孫祖德請於直講京官內差一員充監丞詔學官兼領掌錢穀出納之事。兩朝志元豐定制置祭酒司業掌三學之教法政令而監之事則丞與馬鑾會建炎三年省紹興十二年復置中興會要

國子博士

班固云六國時往往有博士掌通古今。又曰博士秦官。漢因之後多至數十人。武帝初置五經博士。宣帝成帝時五經家法稍增置博士一人博士選有三科高第為尚書次為刺史其不通政事以久次補諸侯太傅元始四年改博士為博士師。後漢兼而存之博士凡四人。易施孟梁丘京氏尚書歐陽大小夏侯詩齊魯韓毛禮大小戴春秋嚴顏各一博士華嶠漢書曰初欲立左氏傳博士范丹以為左氏淺末不宜立陳氏乃詣闕上疏爭之更相辨對帝卒立左氏學。掌以五經教子弟國有疑事掌丞問對。安帝以博士多非其人詔命三

公將軍中二千石舉博士各一人務得經明高行卓爾茂異。晉咸寧四年初置國子博士一人皆取履行清淳通明典義若散騎常侍中書侍郎太子中庶子以上乃得召試。梁置五經博士各一人。魏晉宋齊並不置五經博士至此始置。隋省國子博士至大業復置。唐增置二人掌教文武官三品以上及國公子孫龍朔改為司成宣業咸亨初復諸州府亦有經學博士一人。通典宋國子監無博士有直講八人熙寧改為太學博士元豐定制亦無國子博士大觀元年薛昂乞置國子博士四員國子正錄各二員與太學官分掌教導從之。建炎併國子監於禮部紹興三年詔駐蹕因國監量養生徒置博士二員。中興會要餘學猶未置也。

國子監主簿

北齊國子寺置主簿。隋一人。唐因之掌印勾檢監事凡六學生有不率師教者則舉而免之。宋國子監主簿一人以京官或選人充掌文簿或勾考其出入焉。兩朝志元豐元年詔省主簿三年罷書庫官復

置主簿會要

北齊國子寺有正錄員。隋一人。唐因之。宋關雎元豐定制亦不置國子正錄。大觀元年薛昂乞置國子博士。國子正錄與太學官分掌教導。從之。自是始置正錄。凡二員。建炎三年省。紹興十二年復置。

書庫官

宋書庫監官以京朝官充。掌印經史群書以備朝廷宣索賜予之用。及出齋而收其直。以上於官。建炎三年併國子監歸禮部。官省。紹興十三年復置一員。後省。三十二年詔學官兼書庫。乾道七年復置。會要

太學

大學博士

晉江左因裴頠奏增置國子博士十六人。謂之太學博士。品服同國子博士。後周置太學博士八人。北齊國子寺有太學博士十人。後周

置太學博士下大夫六人。隋仁壽元年罷國子。惟立太學。置博士五人。太業咸置二人。唐增置三人。掌教文武官五品以上及郡縣公子孫。宋熙寧四年詔宋靖國呂嘉問相度錫慶院建太學。從鄧綰所請也。綰言國子監粗容春秋釋奠齋庖之室不足。以容諸生。至於太學。即未曾營建。止是假錫慶院西北隅廊屋數十間。逼窄湫隘。又官司未曾葺治。今大新學制。學者至集。恐不足以容。乞特賜錫慶院為太學。故命相相其地。建之。元豐三年詔改國子監直講為太學博士。每經二人。掌分經講授。考校程文。以德行道藝訓導學者。紹聖元年左司諫程思言熙寧更置太學博士。正錄雖有。朝廷待除然類。令國子監長貳薦舉所業。政黨高下。以次除授。復位試法。以覈材實。其進士發解省試。廷試在十五人內。太學上舍內舍職事者。並令召試。不在此例。許投所業。國子監攷覆。方與召命。元祐以來罷去。試法請自令除。學官依舊法。召試。從之。元符元年詔學官歲一試。政和七年臣僚言熙寧元豐間博士未嘗除代。近年以來席未暖而代者已至。率二人而守一。若從正錄第

遷則博士可免除代與熙寧元豐無異從之並續建炎南渡廢紹興十  
二年權於臨安府措置增展置太常博士三員十三年始復建太學

大學正錄

北齊國子寺有錄事員。隋一人。唐因之。宋仁宗朝胡瑗掌太  
學其正錄第補諸生熙寧未興三舍始選官為正錄如學官之例聖朝  
學正五人學行學規凡諸生之失規矩者待以五等之罰學錄五人掌  
佐學正糾不如規者元祐三年罷命官正錄以上舍內舍生充後復置  
命官學正二員紹聖改元復元豐學制命官學職悉仍舊焉續會建炎  
三年省紹興十二年復置各一員中興會要

武學

武學博士武學諭

慶曆三年置學始以阮逸為之宋官未幾省熙寧五年樞密院乞復置  
武學選文武官知兵者充教授仍差韓縝判武學郭固同判。朝臣以  
上判學續會要

武學教授

如國子置直講元豐官制行改為武學博士。教授蔡碩就除博士。  
武學博士學諭各二人掌以兵書弓馬武藝訓誘學者四朝志建炎兵興  
廢。紹興十六年詔令臨安府脩建武學二十六年詔武學博士學諭  
各置一員內博士於文臣有出身或武舉出身曾諭高選人充其學諭  
差武學人中興職畧

將作監類

將作監

秦有將作少府掌治宮室。漢因之。景帝更為將作大匠秩二千石中  
六年改光武省常以謁者兼之。章帝建初元年又置初以任隗為之掌  
備作宗廟路寢宮室陵園木土之功。魏晉因之江左至於宋齊皆有  
事則置無事則省。梁天監七年置十二卿改將作大匠為大匠卿是  
為秋卿。陳因之。後魏亦有之。北齊有將作寺其官曰大匠。後  
周有匠師中大夫掌城郭宮室之制又有司木中大夫掌木土之政令

。隋初與北齊同至開皇二年改寺為監大匠為大監初加至副監煬  
 帝十三年改為大令。唐復為匠龍朔改為繕工監咸亨復光宅改為  
 營繕監神龍復天寶中改大匠為大監掌土木工匠之政唐職林大典。  
 宋判監事一人以朝官以上充凡土木工匠之政隸三司脩造案本監  
 但掌祠祀供省牲牌鎮右炷香盥手焚版幣之事續會要熙寧初以嘉慶  
 院為監上重為任使統脩造之政要會四年以范子奇判監向宗儒同判  
 元豐乃正名焉職掌土木工匠之事凡出納籍帳歲受而會之上工部  
 分案五設吏二十有七總局九宮城繕完則歸脩內司辨其工作因能  
 任事則歸東西八作司乘時儲積以待給用則歸竹木務密務丹粉所  
 麥麵場前期撲斫以應緩急則歸事材場斂其餘材無所遺棄則歸退  
 材場續會要。中興以來將作少府未置監建炎三年始併歸工部紹興  
 三年復置將作監少府事總焉中興會要。  
 將作少監  
 後周有少匠下大夫。隋將作置副監一人煬帝改為少監又改少匠

又更少令。唐武德以為少匠龍朔中為繕工少監咸亨中為營繕少  
 監後復故唐職林。宋熙寧四年將作監置同判元豐中為少監續會要。  
 將作監丞

漢將作有丞二人。後漢置一人。晉魏因之。東晉宋齊有事則置  
 無事則罷。梁天監七年置大匠丞一人。陳因之。後魏有之。北  
 齊四人。後周曰匠師上士一人。隋二人。唐四人大典。掌判監事  
 凡內外繕造百司供給大事則聽制勅小事則候省待以諮大匠而下  
 於署監以供其職。宋朝熙寧四年以宋靖國知將作監丞續會要元豐  
 正名初除吳處厚職畧。  
 將作監簿

晉將作置主簿員江左有事則置無事則省。梁天監七年復置將作  
 主簿一人。北齊將作等有功曹主簿員若有營作又別立長史司馬  
 主簿各一員。隋二人。唐因之大典。掌印勾說繕失凡官吏之申請  
 糧料俸食差遣假使必由之以發其事若諸司之應供四署三監之體

物器用違闕隨而舉焉。**宋**熙寧四年初以殿中丞楊增知將作主簿  
公事續會元豐正名初除

軍器監類

軍器監

後周武帝四年初置軍器監隋百官志。隋少府監統鎧甲弓弩等局。唐  
武德初有武器監一人少監一人掌兵使廐牧。七年廢軍器監。八  
年復之。九年又廢。貞觀元年罷軍器大監置少監後省之以其地  
隸少府監為甲弩坊皆隸少府右尚署。開元初復以其地置軍器使  
至三年以使為監更置少監一員丞二員主簿一員錄事一員及弓弩  
坊等署。十一年悉罷之復隸少府為弓弩坊。十六年復移向比都  
監掌繕造甲弩之屬辨其名物審其制度以時納于府庫少監為之貳  
典。**宋**軍器領於三司胄案官無專職。熙寧六年廢胄案乃按**唐**令  
置監擇侍從官總判增勾當以為之屬元豐中復正官各分案百設吏  
十有三總局五掌繕治兵械什物之事續會。建炎二年併歸工部。

紹興十一年復置長貳一員中興會要

軍器少監沿革見軍器監門

軍器監丞

**唐**武德初武器監置丞二人正觀六年廢武器監開元三年置軍器監  
有丞二掌判監事凡材革出納之數工徒衆寡之後皆督課焉唐百官志  
。宋神宗時置丞二人初除沈叔通職建炎三年省紹興三年復置中興

會要

軍器監簿

**唐**武德初武器監置主簿一人正觀六年廢武器監開元三年置軍器  
監有主簿掌印及勾檢稽失百官志。宋神宗時置主簿一人初除錢  
長卿職

日曆所

備日曆官

**唐**正元初韋執誼奏備撰私家紀錄非是望令各撰日曆月終館中詳



定從之此日曆所從起也葉伯益宏。宋舊以宰相兼監備國史脩撰直館檢討無常員掌備日曆以時政記起居注會集備撰為一代之典舊於門下省置編備院專掌國史實錄備纂日曆元豐初廢編備院歸史館官制行屬秘書省國史案六年詔秘書省長貳毋得預著作備纂日曆事進書即繫銜以防漏洩如舊編備院法焉八年詔吏部郎中曾肇禮部郎中林希兼著作職事官兼職自此始元祐五年脩國史案置局專掌國史實錄編備日曆以國史院為名隸門下省更不隸秘書省紹聖二年詔日曆還秘書省宣和二年詔罷在京脩書諸局惟秘書省日曆所繫元豐國史案除著作官專管備纂日曆之事無定員外其元豐分案編備日曆書庫官吏並依元豐法四朝志紹興元年以脩日曆所為名又詔秘書長貳通行備纂日曆。以少監程俱言長貳於條不與備纂欲准元豐故事著作官闕從本省府暫牒校書郎或正字兼權所貴不廢編備故有是命。三年詔左僕射呂頤浩兼提舉備國史。時脩日曆張綱言秘書省權輕難以取會又孫近言景德二年王旦為相

領史職乞宰府提舉故有是命。詔備日曆今待從官帶史官備撰餘官帶直史館史館檢討若著作郎佐郎闕依元豐例差郎官兼領。時以祠部郎虞灃兼大著禮部郎舒國清兼小著。日曆所以脩國史日曆所為名四年詔脩國史日曆所以史館為名依舊制置編備校勘官十年秦檜請下有司討論史館建併之弊禮部看詳於元豐舊制併歸秘書省國史案以著作郎佐郎備纂日曆遇脩正史即置國史院遇備實錄即置實錄院見今脩淵聖及今上日曆令宰相提舉以監備國史繫銜實錄院以提舉實錄院繫銜中興會要

會要

脩會要官

唐德宗正元間蘇冕始為唐會要四十卷武宗時崔鉉又續四十卷。宋建隆初王溥取宣宗以後故事并蘇崔所錄共為一百卷宋會要自建隆止慶曆四年成一百五十卷章得象上王珪續以慶曆止熙寧十年通舊增損成三百卷總二十一類八百五十五門國朝會要乾道四年詔

尚書大僕射陳俊卿兼提舉編脩本朝會要五年秘書少監江大猷等言蔡攸所脩本朝會要除將熙寧十年以前章得象王珪所脩重加刪削外其自元豐至政和止脩得帝系后妃吉里三門攸所脩吉禮緣當時議論好惡不同妄有刪改以迎時好乞令本省再加刪定兼今承續脩新自神宗其五朝會要內有熙寧十年內事亦合重行編入以續脩本朝會要為名從之六年中書門下省言國朝會要以脩至靖康詔令自建炎元年接續至乾道五年九年秘書少監陳騏言編類建炎以後會要至紹興三十二年六月十一日成書以中興會要為名從之

勅令所

提舉備勅令

詳定

宋天聖慶曆嘉祐熙寧編叙及元符勅令格式各差宰臣提舉。見續會何執中奏而四朝志乃云提舉勅令自熙寧初編脩三司令式命宰臣王安石提舉自後皆以宰執為之如志所言是自熙寧始也然天聖既有提舉之例則不應自熙寧始五朝會要無所書今始存之以俟考

究。詳定官以侍從之通法令者充。舊制一員宣和中七員靖康咸三員政和元年差左僕射何執中提舉重脩勅令執中上章力辭於是

不帶提舉以兼領為名同提舉焉。紹興中改為詳定一司勅令所自建炎四年以前著為紹興新法以後續降錢二萬餘條前後抵牾乾道四年刑部侍郎汪大猷請行刪削於是復置勅令所提舉官以提舉詳定二司勅令繫銜詳定官以兼詳定一司勅令繫銜

宋脩軍馬司勅

則屬

仁宗時命田况提舉熙寧八年權知審刑院崔台符言奉詔脩軍馬司勅緣軍政事重故事以樞臣總領於是命樞密使陳升之提舉管勾紹聖元年又詔知樞密院事韓忠彥提舉管勾詳定刪定軍馬司勅例會

刪定官

宋朝舊刪定無常員大觀三年詔六曹刪定官併入詳定一司勅令所為一局四朝後省紹興十二年徐度申請哀集建炎紹興詔旨令專置

一司乞權行復置刪定官以三員為額於行在職事官內差兼詔依舊以勅令所為名後省乾道六年復置勅令所汪大猷申請正差刪定官乞繫銜充詳定一司勅令所刪定官兼刪定官繫銜兼詳定一司勅令所刪定官淳熙十五年林栗申請發勅令局刪定官並省紹熙二年復置局差刪備官三員勅令所

東宮類

詹事

秦官。漢勅曰詹省也合也。漢因之掌太子家位在長秋長成帝鴻禧三年省。魏復置詹事領東宮衆務。晉或置或不。齊置府領官屬。梁陳任總官朝。後魏有太子左右詹事。北齊東宮衆事無小大皆統之。唐置詹事府掌內外衆務糾彈非違總判府事置少詹事以貳之龍朔改端尹少尹咸通復兼拱改尹神龍復典。宋東宮官有詹事仁宗升儲置詹事二人神宗升儲置詹事一人欽宗升儲置詹事二人多以他官兼充及登位亦省兩朝國史志載林云

左右廢子

古者天子有廢子之官職諸侯卿大夫士之廢子之卒掌其戎令與其教治。廢子猶諸子周禮諸子之官司馬屬。有大事則帥國子而致於太子惟所用之。秦置中廢子員。漢廢子為太子少傅屬官。後漢員五人。晉有中廢子廢子各四人。宋中廢子與功高中舍人一人共掌其坊之禁令。隋有左右廢子。唐龍朔中改左廢子為左中護右廢子為右中護咸亨中復故掌侍從贊相駁正格奏通典六典。宋東宮官有左右廢子舊制不常設每諸闈之建隨宜置官以備察案多以他官兼領仁宗升儲置二人神宗升儲置二人欽宗升儲置一人四朝乾道中廢子諭德除左不除右。同兼領續會要

左右諭德

唐龍朔中左右春坊置左右諭德各一人掌諭皇太子以道德隨事諷讚皇太子朝宮臣列侍左右階出入騎從。宋東宮官有左右諭德建

儲則置否則闕仁宗神宗欽宗升儲皆置二人並他官兼四朝志云乾道置二人惟除左不除右孝宗

侍講侍讀

唐太宗為晉王府有侍講又為太子亦置焉其後或置或不開元初于王宅引辭學士書者入教亦為侍讀職而無侍講聖朝始置焉

左右春坊

東宮之務歷代以中庶子領之。北齊有門下坊庶子領之與書坊庶子領之。隋門下坊置左庶子典書坊置右庶子。唐龍朔中改門下坊曰左春坊左庶子中允司議即左諭德左贊善大夫崇文館學士校書郎洗馬文學校書正字等隸焉與書坊曰右春坊右庶子中舍人大子舍人右諭德右贊善大夫太子通事舍人家令率更令等隸焉。保建儲闈即置仁宗神宗升儲並以內臣為左右春坊勾當左右春坊事。中興不置為不立東宮也孝宗乾道元年立皇太子置左右春坊二員同左右春坊二員贈

群書考索後集卷十一

# 群書考索卷十二

別集

山堂先生章俊卿編輯

建陽知縣區玉刊行

元峯蕭泗校正

官制門

東宮官

三師三少

三師三少三王教世子立太傅少傅以養之太傅在前入則有保出則

有師世子。周成王幼在襁褓太公為太師禮大戴。西漢有太子太傅

少傅。屬官有太子門大夫庶子洗馬舍人。後漢太傅禮如初不領

官屬少傅悉主太子官屬。魏太傅於太子不稱臣少傅稱臣。晉成

寧中備六傳之職三少。東晉置保傅而無二師景帝諱師。唐三師

三少官不必備惟其人無其人則闕之紀分。宋朝師傅不常設仁宗升

儲置三少各一人丁謂兼少師馮拯兼少傅曹利用兼少保是時實為

東宮官餘多以前宰執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政其少師非經顧命不除若本官至尚書即除少傅丞即給諫只除少保若因遷轉即進一官至太師即遷司空矣官制舊典。繼照堂。在開封府東真宗尹京日射堂大中祥符二年臨幸賜名會。資善堂。在元符觀南大中祥符八年置仁宗律學之所天禧四年從御厨以北會。慶寧堂。英宗潛邸有閣藏御覽經籍續會。睿成宮。元祐元年閏二月二十二日詔神宗皇帝所居東宮改為睿成宮續會。龍德宮。元符三年二月二十四日詔懿親宅潛邸賜名龍德宮是為徽宗舊邸續會。

王府官

宋朝太平興國四年置翊善一人紛以常參官充續會。

贊讀

唐開成元年宰相李石奏太子有侍讀諸王亦有侍讀無降殺之禮宜改奉諸王講讀。宋朝英宗治平元年諸王府置侍讀二人職署以為中始置侍講侍讀。觀宗政和七年張大亨奏切見講讀之官在天子真此不同當考之。謂之侍講侍讀而在諸王府者亦有侍讀官號比擬稱謂相察詔諸王府侍讀改為贊讀侍講改為直講。

直講

宋朝太平興國四年別置侍講以常參官充政和七年詔改侍讀為直講詳見。

記室

宋自明帝以後皇子皇弟雖非都督亦置記室參軍。梁陳王府皆有。隋皇伯叔昆弟皇子是為親王府置記室參軍。唐因之六典。後唐長興四年以前襄州觀察支使魚崇遠為秦王府記室參軍事。宋朝太平興國中置政和中以參軍行軍之際所稱詔除去參軍字。

天小教授

宋太宗至道元年以員外郎孫贍充皇姪皇孫教授從新號也時中書

文宗朝薛王李石奏太子有侍讀諸王亦有侍讀無降殺之禮請。真

宗咸平元年以朱昂兼南宅教授張蔚兼北宅教授嘉祐以來置諸宮

教授立講書課試規罰之法此事見紹興五年錢。英宗治平元年教

授更不兼官以兩處供職有所廢闕會要時宗室本支之盛自率府副率

以上八百餘人而教授之官六員而已因詔增置教授官凡皇族年三

十以上者百三十人置講書四員年十五以上者三百九人增置教授

五員年十四以下者別置小學教授十二員并舊六員為二十七員以

分教之大學京朝官充小學選人充四年詔今後諸宮院大小學教授

有關令國子監與學士院舍人院輪舉熙寧元年小學教授亦論京朝

官元祐三年詔諸宮學教授闕選所舉學官及可為師表可備講讀科

不足則三省選陞朝官有出身年四十以上者充崇寧三年睦親宅及

北宅廣親宅各大學小學教授一員廣親北睦親西及周王宮大學兼

領小學各二員大小學兼領始于此

六院

登聞檢院

宋文帝元嘉九年魏主詔闕左懸登聞鼓以達冤人通鑑。唐大曆十四

年詔天下冤滯於朝堂受詞推決尚未盡者聽搥登聞鼓上。宋朝雍

熙元年改既為檢。東延恩曰崇仁帝招諫曰思諫西申冤曰申明北

通玄曰招賢。七月改既院為登聞仍依舊諫官一員判院會要。景德

四年改為登聞檢院命樞密直學士張詠判仍差內品監門不得監預

公事諫議大夫掌受文武官及士民章奏表疏凡言朝政得失公私

利害軍期機密陳乞恩賞理雪冤濫及奇方異術皆受以通達凡進狀

者先鼓院若為所抑則詣檢院。外有理檢使今不置始於淳化三年

置理檢院於乾元門之西北廊以知制誥錢若水領之復唐制也至道

三年廢天聖七年上因讀唐史見既函達下民冤枉之事乃謂左右曰

天下九州之大豈無冤枉之人若至京師檢院鼓院理雪院必是州縣

官吏提點刑獄轉運使不能理雪又若不為申理則赤子無告矣乃置

匱函仍專命御史中丞為理檢使以分紀會要備。中興之初因舊制置局于闕門之前。舊在宣德門外依隸門下省。建炎三年專隸諫院。中興會要

登聞鼓院

國初曰鼓司以內臣掌之鼓在宣德門南街西廊至道三年命太子中舍王濟勾當鼓司用朝臣勾當自此始。鼓司舊止內品許懷遠與駁直程峻二員勾當至是省峻而命濟始用朝臣也。會要景德四年詔改為登聞鼓院命知制誥周起直史館同判。仍差內品監門不得關領公事。會要掌諸上封受而進之以達萬人之情。會要隸司諫正言。會要凡文武臣僚閣門無例通達文字者並先經登聞鼓院進狀未經鼓院者檢院不得收接。續編建炎元年因舊制置局于闕門之前。高宗即位於南京召李綱為宰相綱奏曰人主莫大於兼聽張視使下情得以上通故舜明四目達四聰而天下治今艱難之際四方休戚利害日欲上聞而士民之願効其智慮者尤多陛下即大位已踰月而檢鼓院猶未置

恐非所以通下情而急先務也遂置登聞檢院鼓院於行在使門外。進志。三年專隸諫院

進奏院

唐藩鎮皆置邸京師以大將主之謂之上都留後。大曆十二年改為上都知進奏院官。五代以來支郡不隸藩鎮補人為者聽自置邸隸藩鎮者兼掌焉。宋初緣舊制皆本州鎮補人為進奏官其軍監場務轉運司則差知後官或副知掌之逐州就京師各置進奏院。會要太平興國八年諸州罷知後之名簡知後官得李楚等百五十人並充進奏官命供奉官張文舉提轄諸道進奏院。周編監官以京朝官及三班使臣充掌受詔勅及諸司符牒辨其州府軍監以頒下之並受天下章奏案牘狀牒以奏御及分受諸司。續會要中興以來隸門下後省給事中點檢乾道九年依舊隸後省合傳報事今後省錄付報行。中興會要又題名云宋興盡罷節度使權太平興國中因何保樞請以鈐轄諸道扁院額而摹印章率用名流。

糧料院

宋初承舊制以三司大將軍為都糧料使自開寶六年以著作佐郎陸光範充在京都糧料院使改用京官自此始太平興國五年分糧料諸司馬軍步軍為三院八年以馬步軍合為一院雍熙四年命供奉官陳慶誨勾當諸司糧料供奉官曾祿勾當馬步軍糧料自後復分馬步軍為兩院或以諸司使副分主之端拱二年復以京朝官主之並宋朝元豐未併馬軍步軍為諸軍與諸司為二院中興百隸太府寺掌以法式頒稟祿凡文武百官諸司諸軍俸料以券準給四朝中興以來行在諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院並中興會

審計院

宋初以三司使總邦計司各有院以乘中外泉穀出入之政蓋會計之府也然案牘叢委典者不能徧察而奸容焉淳化三年始用戶部使樊

知古奏剔其冗籍復別為院置官顯領之以聽稍食之要二置院之初特掌騎兵徒兵給受之數猶未及諸司也元豐三年合步騎兩院為一遂以其一主諸司自宮禁朝廷下至斗食佐史凡賦祿者以式法審其名數而稽其辭名者唯郊賜給已乃審祿有疑予則詔以法凡四方之計籍上于大農則逆其會凡有司議調度會賦出則諏焉設員二曰左右聽分案六史八人各聽舊為諸軍諸司專勾司建炎元年避高宗御諱改諸軍諸司審計司

官誥院

宋初於右掖門置院四司誥身案並集于此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈以朝官一人主判知制誥一人提舉會元豐五年奉行官制文武官誥身屬吏部審官屬兵部封贈及內外命婦等誥身屬司封加勳并將校等屬司勳官誥院四部誥身案及吏人隨事隸本部



七年并司封司勲誥身案入吏部預書庫收掌崇寧四年吏部專置造  
官誥局尋罷大觀復置尋改為官誥院仍隸左右司三年後罷歸吏部  
政和三年依舊置官誥院差官一員主管少府監鑄印記以吏部製造  
誥身業記為文中興以來因仍不改

四轄

權貨務都茶場

權貨務掌折博斛斗金帛之屬四朝以朝官諸司使副內侍二人監太  
平興國中以先平嶺南及交趾諸國入貢通關市議於京師置權易院  
大中祥符中併入權貨務建炎中興又創都茶場給賣茶引隨行在  
所於權貨務置場雖分兩司而提轄監官並通銜管幹。建炎四年詔  
權貨務都茶場依舊隸左右司其提領措置並罷其都茶場仍令提轄  
權貨務官兼行提轄。尋徙越州一務場於建康又併真州一務場歸  
建康紹興五年詔建康鎮江兩務場只是給賣鈔引三十二年詔三省  
今後選差文臣充監官更不差武臣乾道六年詔依舊通差武臣會要

講宗先是課入不立額惟視舊歲為等差是歲始分有定數歲總為  
錢二百四十萬萬行都受藏之所為數八十萬萬于建康者一百二十  
萬萬于鎮江者四十萬萬總

雜買務雜貨場

雜買務舊曰市買司太平興國四年改至道中廢咸平中復置以京朝  
及三班內侍三人監掌和市百物凡宮禁官物所需以時供納雜賣務  
景德四年置掌受內外幣餘之物計直以待出賃或準折支用以內侍  
及三班二人監後亦差文武朝官少四朝志紹興六年詔雜買務雜賣  
場置提轄官一員會要

左藏庫

掌受四方財賦之入以待邦國之經費其原蓋起於周職內主賦入職  
歲主賦出而邦布之入出則外府又主之皆其職也。晉始置左右藏  
令。唐於左右藏分東西庫以太府少卿知出納於左長慶門之東。  
宋初左藏止一庫置使領焉總太平興國二年分為二庫淳化三年分

置左右藏各二庫四年廢右併入左政和六年備建新庫以東西庫為

名以會要續中興因仍東西庫各以文臣監武臣同監其東幣帛絕紳

之屬在焉其西金銀泉券絲纈之屬在焉紹興二十七年詔戶部於轄

下丞簿內選一員兼充左藏庫提轄官此提轄所由始孝宗即位詔將

御前審管數賞庫撥歸左藏庫以左藏南庫為名專一樁管應副軍期

支遣於是東西南三庫以中興會要尋罷南庫大抵國家用度多糜

於贍兵四蜀湖廣江淮之賦類歸四總領所以餉諸屯其送京者始亡

幾唯閩浙悉輸焉東西庫歲入以端計者率百四十萬以緡計者率二

千萬給遣稱是而大軍居十之七宮禁百司祿賜裁三之間有非及浩

繁之費則請于朝往往出內帑封樁以補所缺監官凡五人分帑而治

舊以京朝官為之今唯才是用故四選通得入額

文思院

太平興國三年置掌造金銀犀玉土巧之物金彩繪素裝鈿之飾以供

輿輦冊寶法物及凡器服之用隸少府監熙寧三年詔文思院兩界監

官立定文臣一員武臣一員並朝廷選差其內侍勾當官並罷以四朝

纂紹興三年詔少府監併歸其文思院上下界監官從工部辟差工部

言所轄文思院舊分上下界監官三員內文臣一員繫京朝官上界造

三衙類

作金銀珠玉下界造作銅鐵竹木雜料欲依舊分為上下界從之隆興

一年詔併禮物局入文思院中興會要

宋朝沿五代之制有侍衛親軍及殿前兩司蓋侍衛親軍起於後唐

又石林燕語云侍衛親軍自梁起宣武軍乃以鎮兵因舊號置在京

馬步軍都指揮使而自將之蓋於唐六軍諸衛之外則為私兵至後

唐明宗遂改為侍衛親軍

殿前始於周世宗顯德元年五代會要世宗自高平之戰觀其退縮慨然有懲革之意又以驍勇之士多為外諸侯所占於是詔募天下豪傑不以草澤而俱送於闕下躬親試

閱選武藝超絕及有身首者分署為殿前諸班因有散員散指揮使  
內殿直散者頭鐵騎控鶴之號

**宋**初待衛親軍置都指揮使雖都虞候亦在殿前都指揮使之上

淳化元年傳潛自殿前副都指揮使遷侍衛親軍馬步軍都虞候在  
殿前都指揮使載輿之上咸平三年王超自殿前都指揮使遷侍衛

親軍馬步軍都虞候

錄

自王超罷職無復任者而侍衛司馬軍步軍遂分為二并殿前號三衛

而馬步二軍始居殿前司之下焉職三司天下之兵柄皆在其權雖重

而軍政號令則在樞密院與漢周間史弘肇之徒為之者異矣此祖宗

之微意非前世所及也

石林燕語

**殿前司**

都指揮使副都指揮使都虞候掌殿前諸班直及步騎諸指揮之名籍

凡統制訓練番衛戍守遷補賞罰皆總其政令入則侍衛殿陛出則扈

從乘輿大禮則提點編排整肅禁衛函簿儀仗掌宿衛之事都指揮使

以節度使為之而副都指揮使都虞候以刺史以上充資序淺則主管

本司公事馬步軍亦如之備則通治闕則互攝四朝祖宗以來三帥不

曾闕兩人若殿帥闕難以從下起補

姚麟繫殿前都虞候合陞作步軍副都指揮使元祐七年樞密王巖

叟言政和四年詔殿前都指揮使在節度之上殿前副都指揮使在

正任承宣使之上殿前都虞候在正任防禦使之上四朝

**宋**初沿後周有殿前都點檢在都指揮使上

太祖由此承禪後不置焉中興以來主管殿前司一員其屬有幹辦

公事主管禁衛各二員準備差遣準備差使點檢醫藥飲食各一員

尋減幹辦公事一員增書寫機宜文字一員

**馬軍司**

都指揮使副都指揮使都虞候都指揮使本方鎮庫校之名自梁起宣

武軍乃以其鎮兵因仍舊號置在京馬步軍都指揮使掌馬軍諸指揮

之名籍凡統制訓練番衛戍守缺補賞罰皆總其政令侍衛扈從及大

禮部衛所學如殿前司政和四年詔以馬軍都指揮使馬軍副都指揮使在正任觀察使之上馬軍震候在正任防禦使之上四朝中興以後主管侍衛馬軍司一員幹辦公事準備差遣點檢醫藥飯食常出戍建康

步軍司

都指揮使副指揮使都虞候掌步軍諸指揮之名籍凡統制訓練番衛戍守遷補賞罰皆聽其政令侍衛扈從及大禮宿衛如殿前司政和四年詔以步軍都指揮使副都指揮使在正任觀察使之上都虞候在正任防禦使之上四朝中興以來主管侍衛步軍司一員幹辦公事準備差遣點檢醫藥飯食

閤職類

知閤門事

宋朝橫班有內客省使

崇政殿受朝而升東階侍立掌四方進奉及四夷朝貢牧伯朝覲酒

饌饗餼宰相近臣禁衛將校節儀諸州進奉使則物回詔之事

引進使四方館使

唐四方館以通事舍人判隸中書省石晉始有為卿監專判館者。宋朝初以檢校官判館淳熙四年改置使名掌文武官正謝辭國忌賜香諸道月旦正至章表郊祀朝番官貢舉人進奉使京官致仕官道釋父老陪位之事會要

東上閤門使西上閤門使

凡取稟旨命供奉乘輿朝會游宴及贊導三公群臣蕃國朝見辭謝糾

彈失儀之事使副專之舍人以下但通班贊唱而已會要。其供職于內

者多用國戚世族號為華要禮均侍從政和官制橫班使副之名既改

為大夫而其職任則命內外官知焉職其後所除總名知各門事仍兼

客省四方館之職焉紹興三年詔客省四方館並隸臺察。先是御史

臺六察所隸官司有因一時申明免隸臺察去處至是殿中侍御史常

同乞依舊制施行所貴百司廢務有所按察不敢違矣故也中興會要。四

年詔依祖宗舊制隸中書省不隸臺察中典會要。五年詔右武大夫以上並稱知閣門事兼客省四方館事若官未至右武大夫者即稱同知同兼序在知閣門之下同上

同知閣門事

宋朝東西上閣門副使雖無定員然選任不及疎遠而所置常少於正使之數政和官制以左武右武即易二閣副使而閣門事乃命橫行知焉則同知之職乃昔時之所謂副使也職畧

閣門宣贊舍人

故事閣門無通事舍人而通事舍人沿夫唐制自隸中書省如抽赴閣門並稱閣門祇候其後直授閣門通事舍人非舊制也天禧中閣門二字政和六年改為宣贊舍人

政和六年御筆閣門通事舍人名稱鄙俗可改為宣贊舍人詔旨

閣門祇候

國朝舊以閣門通事舍人閣門祇候二等謂之閣職蓋武臣之清選也

閣門通事舍人閣門祇候二等比館職清流為進取之基非熟於朝儀不在此選又有看班祇候以命世家新進及擢閣門點檢使臣為之而點檢官乃知班使之長者二年無過遂改看班政和間改通事作宣贊且不復選人才而濫處不知其數人不以為貴也官制舊典

舊止三五員

天禧初上與輔臣語及減吏員向敏中曰太祖太宗朝閣門祇候不過三五員宣贊贊謁而已今踰數百而除授未已上曰此蓋相承為例當漸省之

熙寧四年閣門請擇武臣子弟六人前後殿日祇應以閣門看班祇候為名候五年熟識儀數乃除閣門祇候

閣門舍人

乾道中孝宗初置慶元告詞云我朝重閣門之職乾道置舍人之員

帶御器械類

帶御器械

宋初以來嘗選三班以上武幹親信者佩橐鞬御劍或以內臣為之會初是職止名御帶咸平元年改為帶御器械景祐二年詔自今無得過六人慶曆元年詔遇闕員以歷邊任有功者補之舊制外任帶御器械過關朝見不宿衛熙寧六年向寶移真定府路總管過京師待命宿直並會中興因仍

### 四廂類

捧日天武四廂都指揮使  
龍神衛四廂都指揮使

捧日舊曰日騎天武舊曰控鶴宋朝太平興國二年詔改控鶴曰天武雍熙四年改殿前司日騎曰集日龍衛舊曰龍捷神衛舊曰虎捷太平興國二年詔改龍捷曰龍衛虎捷曰神衛皆以美名易禁軍之舊號也。上四軍殿前司捧日天武馬軍司龍衛步虎司神衛謂之上四軍各有左右廂各三軍東齊

### 環衛官類

家朝六軍諸衛有左  
右金吾衛上將軍

秦曰中尉。漢武改曰執金吾。隋曰候衛所領軍事名攸飛。唐龍朔改左右金吾衛正三品掌宮中及禁城晝夜巡警之法以執禦非違漢官宰尹曰吾禦也常執金華以禦非常緹騎二百人輿馬導從充滿於路世祖歎曰仕官當作執金吾也

### 左右衛上將軍

晉武帝分中衛將軍為左右衛名大將軍一人銀章青綬。隋改置左右衛為左右翊衛。唐武德中更曰左右衛府龍朔中省府字

### 左右驍衛將軍

漢武以李廣為驍騎將軍後省之光武改屯騎為驍騎。晉文立晉臺以為宿衛官至隋煬帝時改左右備身為左右騎衛所領名豹騎。唐置驍騎府龍朔去府字光宅改左右武威神龍復舊

### 武舊衛上將軍

魏武為丞相有武衛營。隋探其名置左右武衛府有大將軍。唐光宅改左右鷹揚衛龍朔復舊

屯衛上將軍

隋煬帝置左右屯衛。唐龍朔改為威衛光宅改為左右豹韜衛

領軍衛上將軍

魏武為丞相始置中領軍魏文又置領軍。晉因之品第三金章紫綬

宋齊領軍掌內禁兵。唐別置領軍衛大將軍龍朔威衛咸亨復舊

監門衛上將軍

漢魏以來城門校尉之職也。隋置左右監門府將軍煬帝改府字為

衛。唐置大將軍龍朔改為監衛

千牛衛上將軍

後魏有千牛衛備身本掌乘輿御刀蓋取庖丁為惠文君解數十牛而

刃若發硎此刀可以備身因以名官。隋左右府領千牛備身。唐改

為左右千牛府龍朔改為奉宸衛神龍改為千牛衛。諸衛大將軍諸

衛將軍並為環衛官無定員皆命宗室為之乃武臣之贈典大將軍以

下又為武臣責降散官政和中改武臣官制而環衛如故蓋雖有四十

八階別無所領故也

四朝志靖康元年用御史中丞陳過庭言請遵藝祖

開寶初罷諸節度使歸環衛故事於是節度使錢景臻等並為左右金

吾衛上將軍

四朝志又崇寧四年劾古備立三衛官有即一員中即為之

二文武各一員博士二主簿一親衛府有即有中即以后妃嬪御之家

有服親及翰林學士并管庫正任觀察使以上子孫充勳衛府有即有

中即以勳臣之世賢德之後有服親太中大夫以上及正任團練使選

鄂觀察使以上子孫充翊衛府有即有中即以鄉監正任刺史選郡團

練使以上並以親兄弟子孫試充三衛即治其府之事率屬日直于殿

陛長在左立起居即之前二分左右文東武西立都承旨之後親衛立

於殿上勳衛立於梁殿翊衛立於兩階衛士之前中興久不除授孝宗

隆興詔學士院討論環衛官制度欲參酌祖宗時及唐太宗制度

詔曰朕惟祖宗選用將帥以崇武節外建方鎮內列環尹品式備具

近來環衛久不除授非所以儲財而均任也可依舊制應以才畧聞

堪任將帥及久勤軍事暫歸休佚之人並為環衛官更不換授並令

兼領

如節度使則領左右金吾衛上將軍承宣使則領左右衛上將軍在內  
則兼帶在外則不帶以十員為額朝參侍殿並依御帶體例宗室不在  
此制仍不差戚里及非戰功人除改差主兵官合不領環衛如皇城司  
帶御器械之類仍許兼領

群書考索卷十二

畢

後集



如節度使則領左右金吾衛上將軍並使則領左右備上將軍在內  
則直帶在外則不帶以十員為額如不待與進休與帶則保官不在  
也如仍不兼威里及非戰功人除改差主共食公不領職銜如皇城司  
等御書板之類仍許兼領

群書考索卷十二

後集

